

रोमला वोतुप तेपा कितुपतिवाला पावलकी टिवु यिकी

दी थेपकी कोर्ला

दी यिकी ति पावलकी रोमला वोतुप चर्चतिवाला टिवु यिन। ती चर्चकी मीतिवाला ठेसिमा पावल तिबी मुला डियमा चेयी लाका क्यासुड। तमा तिवाला दाल्जा लङ्नी स्पेन नेवा डोप नो क्यानोक। दी थेप ति पावलकी ख्रीष्टियानतिवी मिजीला गौवु ताम्डेतिवा हाक्को ज्यितुपला टिवु यिन। पावलकी दी थेपला वुतुङ्की येन्देन टेङ्बु बिन्दुप हाक्कोकिवी।

पावलकी रोमकी चर्चतिवाला टसी देलेक सिक्यासिमा तिबी थोक्ला मोपोर क्यावु ताम्डे साड दे टिनी वे। ती ज्युक्ला खोरो तङ्गुप यिकीकी कोर्ला दुक सिक्या वे, “लेन ल्यामुकी मीला कोन्छ्योककी चिप्ला चुक क्यानी टेङ्बु च्युङ्गिगी सिरुप कोर्ला हाक्को ज्यिकिगी। खोला तेपा क्यानी तिराड कोन्छ्योककी थोङ्दाडला तेरी टेङ्बु च्युङ्गिगी” (१:१७)।

ती ज्युक्ला तीकी कोर्ला पावलकी दुक सिक्या वे। कोन्छ्योककी चिप्ला यहूदी यिन्शी, यहूदी मिन्दुप मिरिक यम्बाकी मी यिन्शी, तेरी मीतिवा टेङ्बु च्युङ्गिगी गोकिगी। च्यिलासिसिन तेरी मीतिवा दिक्पी ओडला च्यिक्पा राड वे। खुरुड टेङ्बु च्युङ्गुपला येशू ख्रीष्टला तेपा कि गोकिगी। तमा कोन्छ्योककी मुला तम्जी च्युङ्नी येशू ख्रीष्टला वोतुप मिजी सम्बा थोप्नी कोन्छ्योककी दोङ्गला देतुप इयेकिगी। खोकी थु चाङ्माकी दिक्पा ताड शेपकी ओड नेसुर तिवाला थर ज्यिकिगी। लोप्च्येन ड नेज्युनी लोप्च्येन ग्ये सेक्ला तेपा कितुपतिवी मिजीला कोन्छ्योककी ठिम ताड खोकी थु चाङ्माकी डारकी चुका लाका

किवी सिरुप कोर्ला टिनी वे। ती ज्युक्ला मीतिवी थोक्ला कोन्छ्योककी जो नङ्गुप नोवाला यहूदीतिवा ताड यहूदी मिन्दुप मिरिक यम्बाकी मीतिवा चुक क्यानी वुड थुप्किवी सिरुप कोर्ला टिलेन तेरुप छल वे। ती ज्युक्ला पावलकी खोरो यिकी ति दुक सिनी सिन्दा क्या वे, यहूदीतिवी येशूला सेमला मालावु तेन्दोक ति च्यिक वे। ती ति तेरी मीतिवाला येशू स्त्रीष्टला वोतुप कटिन थोप ज्यितुप कोन्छ्योककी नोवा च्यिक यिन। यहूदीतिवी येशूला नरी सेमला मलाड मिसिर्वी सिरुप ति पावलकी तेन्तेन क्यासुड। पावलकी तेरी सिनाड तिङ्गला स्त्रीष्टियानकी मिजी ति खक्छ्येवुला मी यम्बाला डियङ्ग्ये कियी मिजी क्योड गोकिवी सिरुप कोर्ला टि वे। तुका ताम्डेतिवा स्त्रीष्टियानतिवी कोन्छ्योकला शब्ज्यी कितुप, ग्येल्खापला ताड च्यिककी च्यिकला कि गोवु लाकाकी कोर्ला सेमगी टिवातिवा टिनी वे। ती ज्युक्ला खोरो लेनतिवा ताड कोन्छ्योकला सोवा देकुप ताम्डेतिवा ज्याकनी यिकी ति टिनी सिन्दा क्या वे।

मुला राड वोतुप लोप्च्येनतिवा

- डोशी ताड नोवाकी कोर्ला १:१-१७
- मीला गोवु थर्वा १:१८-३:२०
- मी थर्वाकी थोक्ला कोन्छ्योककी च्यु ३:२१-४:२५
- स्त्रीष्टला वोतुप मिजी सम्बा ५:१-८:३६
- यहूदीतिवी कोर्ला कोन्छ्योककी नोवा ६:१-११:३६
- स्त्रीष्टियानकी किताड नालु १२:१-१५:१३
- यिकी टिनी सिन्दा क्यावु ताड टसी देलेक १५:१४-१६:२७

रोमीतिवाला पावलकी टसी देलेक

१ रोमला वोतुप मीतिवा तेरीला टसी देलेक! दी यिकी ति येशू ख्रीष्टकी थोकला लावा च्युङ्गुप ड पावलकी टिवु यिनो। ड ति कोन्छ्योककी लेन ल्यामु ख्याप्टाक कितुप ताड लोमा छये च्युङ्गुपला खोकी पेन नङ्गुप यिन। २ती लेन ल्यामु ति काड यिन सिसिन ती ति तोङ्ला के कोन्छ्योककी खोरो सेवु येशू ख्रीष्टकी थोकला खोरे लुङ्तेम्बातिवा नेसुर खोकी सुङ्गी नाङ्ला थाक्छ्येन नड वे। ३ती येशू ख्रीष्ट ति जम्बुलिङकी ताम्डे कितुप पेला ग्येल्वु दाऊदकी गिपा नेमा क्येवु यिन। ४तमा खो ति कोन्छ्योककी थु चाङ्माकी ताम्डे कितुप पेला टुङ्गुप मीतिवी नाड ने डोसु लानी डार छयेवु कोन्छ्योककी सेवु सिनी पड्बु छ्या तेन्दुप दाक्पी चोवो येशू ख्रीष्ट यिन। ५यहूदी मिन्दुप मिरिक यम्बाकी मीतिवी येशूला तेपा क्यानी खोकी सुङला ड्येन्शी सिनी डला खो नेमा कटिन ड्येनी खोला शब्ज्यी कितुपला खोकी लोमा छये च्युङ्गुप यिन। ६तुक राड क्यानी ख्यिराड साड येशू ख्रीष्टला तेपा कितुपला कोन्छ्योककी कताड नङ्गुप यहूदी मिन्दुप मिरिक यम्बाकी मीतिवी नाङ्ला ख्येल्गिवी।

७रोमला वोतुप ख्यिराड कोन्छ्योककी ड्यिङ्ज्येवु मीतिवा ताड खोला तेपा क्यावु चाङ्मा वोतुप मीतिवा तेरीला

दाक्पी पपा कोन्छ्योक ताड चोवो येशू ख्रीष्ट नेमा कटिन ताड लोदिमु वुङ्शी।

पावल रोमला डोप नो क्यावु

८थल्माला ख्यिराड तेरीकी थोकला येशू ख्रीष्टकी छ्योक नेमा ड डे कोन्छ्योकला थुचिछे बुल्गिवी, च्यिलासिसिन ख्यिरा खोला तेपा क्यावु ताम्डे ति जम्बुलिङ तेरीला टम वे। ९ड डे सेमगी दिड नेज्युनी खोकी सेवु येशू ख्रीष्टकी थोकला लेन ल्यामु ख्याप्टाक क्यानी खोला शब्ज्यी क्यावु तप्की डे नरी ख्यिराडला टेन्नी ड्यी ताड नुप्य्या ख्यिरा थोकला मोपोर क्यावु ति कोन्छ्योकला राड छ्या वे। १०तमा कोन्छ्योककी नोवा वोसिन ड ख्यिरा ते वुड थुप्शी सिनी नरी खोला मोपोर कितिन। ११ड ख्यिराडला ठेतुप छासे नो क्यावु तेन्दोक ति ख्यिराडला तेपा रम्बु जोपला कोन्छ्योककी थु चाङ्मा नेमा वुङ्गुप कटिनकी ड्येम्बा ति ख्यिराडला साड शेतुप सिनी यिन। १२तुक क्यासिन ख्यिरा क्यावु तेपाकी डला डाडेड ड्येशी, डे क्यावु तेपाकी ख्यिराडला डाडेड ड्येशी सिनी डला रेवा वे।

१३अच्युनुपतिवा, दी ताम्डे ति ख्यिरा ल्यामु हाक्कोशी सिरुप ति डे नोवा वे। काड यिन सिसिन ड ति थेङ्मा अलायी सेक ख्यिराडला ठेतुपला वुङ्गुप नो क्यायी। च्यिलासिसिन ड ख्यिराडला गल्नी यहूदी मिन्दुप मिरिक

यम्बाकी मीतिवी पर्ला तेपा रम्बु वोतुप मीतिवा अलायी ल्हावु दोके ख्यिराड रोमला वोतुपतिवी पर नेमा साड तेपा रम्बु वोतुप मीतिवा ल्हाप डला नो वे। यिने तन्दा सेक डला देराड क्येकनी ज्याड वे। १४ड ति ग्रीककी मी यिन्शी ग्रीककी मी मिन्शी, रिक्पा वोतुप मी यिन्शी रिक्पा मेतुप मी यिन्शी, तेरीकी थोक्ला सुड ख्याप्टाक क्यानी खोकी ठिलेन च्योलुप नो वे। १५ती तप्की ख्यिराड रोमीतिवाला साड ती लेन ल्यामु ति ख्याप्टाक कितुप डला छासे गा लानी वे।

कोन्छ्योककी लेन ल्यामुकी ओड

१६ड लेन ल्यामु ख्याप्टाक कितुपला सुला साड डोछा मिकी, च्यिलासिसिन कोन्छ्योककी लेन ल्यामु ति तेपा कितुपतिवा तेरीला दिक्पा ने थर ज्यितुप कोन्छ्योककी ओड यिन। गोमाला यहूदीतिवी थोक्ला, तमा ज्युक्ला ति यहूदी मिन्दुप मिरिक यम्बाकी मीतिवी थोक्ला साड यिन। १७ती लेन ल्यामु ति कोन्छ्योककी थोड्दाडला दाक्पु दिक्छेनतिवाला चुक क्यानी टेड्बु वोतुप जोवु ति छ्या तेन्सुड। ती टेड्बु ति दाक्पी येशूला तेपा क्यासिमा तिराड गिबी। कोन्छ्योककी सुडला साड “खोला तेपा क्यानी टेड्बु च्युङ्गुप मीतिवा ति तिवी क्यावु तेपा नेमा मिजी ड्येकिवी।” सिनी टि वे। *

यहूदी मिन्दुपतिवी दिक्पाकी थोक्ला कोन्छ्योककी पर्च्या

१८कोन्छ्योककी पर्च्या ति खोकी सुड टेड्बुला हाक्मोकोवु जोप दुक्टातिवा ताड खोला मोवा मिकिवुतिवी थोक्ला देवाच्येन नेमा छ्या देन्गिबी। १९कोन्छ्योककी खुरुड सु यिन सिरुप ति मीतिवाला छ्या तेन्दुप तप्की मी तेरीकी खो सु यिन सिरुप ति हाक्को थुप्किवी। २०खोकी ज्ये नङ्गुप जम्बुलिङकी थल्मा नेज्युनी जम्बुलिङला वोतुप च्यालकतिवा नेसुर थोड मुथुवु खोकी ओड ताड खो कोन्छ्योक यिन सिरुप ति मीतिवी ठछ्येली हाक्को थुप्किवी। ती तप्की मीतिवी ड ति हाक्मोकोनोक सिनी काड साड सि मुथुपी।

२१मीतिवी कोन्छ्योकला डो शेसिनाड खोला कि गोवु मोवा ति माक्या, थुचिछे साड मापुल। तुक क्यानी तिवी मुला वोतुप नोवा ति तेर्मे गल वे। तमा तिवी अम्बारडिंशड वोतुप सेमगी जोसालेन्सिन काड हाक्को मुथुपुप गल वे। २२तुक क्यानी मीतिवी ड च्यङ्बु यिन सिनी सिवी, यिने तिवा अम्बारडिंशड कितुप राड गल वे। २३तिवी नाम्साड ना मोडोवु कोन्छ्योकला मोवा माक्यानी ना डोप मी ताड च्यच्युम ताड ठेक्पा ज्यी चुनी युक्पु छ्युड्मा ताड जु टिन युक्पु

सेम्ज्येन दोके कु जोनी तिवाला मोवा कितुप गल वे।

^{२४}तुक क्यानी कोन्छ्योककी तिवाला तिवी सेमला काड मेलोकपा कियी दे लङ्गुप ति किशी नोनी पि ताड ताङ्सुड। ती तप्की तिवा तिवी खोप्रे पर्ला राड डोछा मेतुप लाकातिवा क्यासुड। ^{२५}तिवा कोन्छ्योक टेङ्बुला ति मेटेङ्बु जोनी जम्बुलिङ ज्येङ्गुप कोन्छ्योकला ति मोवा माक्यानी खोकी ज्ये नङ्गुप च्यालकतिवाला के सोवा देकुप ताड शब्ज्यी कितुप छाल्सुड। जम्बुलिङ तेरी ज्येङ्गुप कोन्छ्योकला नरी सोवा वुङ्शी, आमिन! ^{२६}ती तप्की कोन्छ्योककी तिवाला डोजु मेतुप लाका कि ज्यितुपला पि ताड ताङ्सुड। तिवा पुम्पेजातिवी साड पुम्पेजातिवी मुला राड शम्डेन क्यानी लाका मेलोवा क्यासुड। ^{२७}ख्योकपेजातिवी साड ख्योकपेजी मुला राड शम्डेन कितुप लाका मेलोवा क्यासुड। तुक क्यानी तिवी लाका मेलोवा क्यावु तप्की तिवाला कोन्छ्योककी पर्च्या फोकनी वे।

^{२८}कोन्छ्योकला तिवी सेमला ज्योकुप नो माक्यावु तप्की खोकी तिवाला खोप्रे काड कियी दे लङ्गिगे, तुकै राड किशी सुङ्नी तिवाला मेलोवा कि ज्यितुपला क्यानी ज्याक्सुड। ^{२९}तमा मीतिवा तेरी वुल्दुङ्बा कितुप ताड दुक्टा कितुप ताड देर्पा कितुप ताड लाका मेलोकपा कितुप गल वे।

तिवा ठतोक कितुप ताड मी सेतुप ताड थमु ग्यकुप ताड जिनोक जोप ताड दुक्टा वोतुप नासाम तोङ्गुप ताड ताम्डे क्यालुप ताड ^{३०}मीला मेलोवा सिरुप ताड कोन्छ्योकला मोवा मिकिवु ताड मीला मो बेपुप ताड ड राड यिन सिनी छ्येजु कितुप ताड अम्बारङ्गिशड कितुप ताड किताड नालु मेलोकपा जोप ताड पपाआमी खला मेङ्ग्येन्दुप गिवी। ^{३१}तमा तिवा सेम माङ्ग्येवु दोके कितुप ताड मीला जिनोक जोनी क्याने तेरुप ताड च्यम्बा मेतुप ताड सेमला च्यङ्ग्युमेतुप गिवी। ^{३२}तुका मीतिवाला कोन्छ्योककी पर्च्या फोकिवी सिरुप ताम्डे ति छ्या वोसिनाड तुका लाका मेलोवा तिराड किवी। तमा तुका लाका मेलोवा कितुप मीतिवाला “ख्योरो छासे लाका ल्यामु क्यासुड।” सिनी गा लोङ्गिगी।

कोन्छ्योककी यहूदीतिवाला च्योङ्डा ठिम क्या नङ्गुप कोर्ला

२ ती तप्की ख्युरुड च्यिला मी यम्बाला क्याने तेर्किवी? काड ख्युरुड ति क्याने मेतुप यिन रो? ख्युरुड मी यम्बाला क्याने तेर्किवी, यिने ती क्याने ति ख्युरुडला राड फोकिवी। च्यिलासिसिन ख्युरुड मी यम्बाला क्याने तेर्किवी, यिने ख्युरुड साड ती लाका राड किवी। ^२तुका लाका दुक्टा कितुप मीतिवाला कोन्छ्योककी टेङ्बु क्यानी ठिम क्या नङ्गिगी सिरुप ति दाक्पुला

ल्यामो क्यानी छ्या वे। ३ख्युरुड तुका लाका दुक्टा कितुपतिवाला क्यान तेर्किवी, यिने ख्युरुड ति ती लाका दुक्टा राड किवी सिसिन काड ख्युरुड कोन्छ्योककी पर्च्या नेसुर थर थुष्किवी रो? ४याङ्ना कोन्छ्योककी ख्युरुडला सेम ग्युर च्यिनी दिक्पा ने थर ज्यितुपला गा कितुप ति हाक्माकोनी खोकी च्यम्बा ताड हम क्या देतुप ताम्डेला मो बेष्किवी रो? ५ख्योरो सेम क्याङ्बु वोतुप ताड दिक्पा ने ग्युरुप सेम मेटुप तप्की कोन्छ्योककी मी रे रेला च्योङ्डा वोतुप टेङ्बुकी ठिम क्या नङ्गुप तुजेला खोकी पर्च्या ति ख्युरुडला मड मड फोकितो। ६कोन्छ्योककी मी रे रेला तिवी काड काड क्यावे, ती दोके छ्यक्तक नङ्गिगी।* ७छेटाड ख्येल्सिनाड हम क्यानी लाका ल्यामु कितुप ताड कोन्छ्योककी थोक्ला मोवा ताड ताङ्देन क्यानी खोकी मिडला नाम्साड मिशिवु मिजी छोलुपतिवाला खोकी नाम्साड मिशिवु मिजी नङ्गिगी। ८यिने खुरुडला तिराड नासाम तोङ्गुप ताड कोन्छ्योककी सुड टेङ्बुला माङ्गेन्नी लाका दुक्टा तिराड कितुपतिवाला खोकी ड्रियर्मु ताड पर्च्या तोङ्गिगी। ९तुका लाका दुक्टा कितुप मीतिवा तेरीला छेटाड दुडल ख्येल्गिगी। ती छेटाड दुडल ति गोमाला यहूदीतिवाला ख्येल्गिगी, ती

ज्युक्ला यहूदी मिन्दुप मिरिक यम्बाकी मीतिवाला ख्येल्गिगी। १०यिने लाका ल्यामु कितुपतिवाला खोकी मोवा ताड ताङ्देन ताड लोदिमु नङ्गिगी। ती मोवा ताड ताङ्देन ताड लोदिमु ति गोमाला यहूदीतिवाला नङ्गिगी, ती ज्युक्ला यहूदी मिन्दुप मिरिक यम्बाकी मीतिवाला नङ्गिगी। ११च्यिलासिसिन कोन्छ्योककी नाम्साड ललाइला ल्यामु, ललाइला मेलोवा मिकिगी।

१२कोन्छ्योककी मोशाला नङ्गुप ठिम छ्या मेटुप यहूदी मिन्दुप मिरिक यम्बाकी मीतिवी दिक्पा क्यासिन तिवी क्यावु दिक्पाकी थोक्ला तिवा ना डिगी। तमा खोकी नङ्गुप ठिम छ्या वोतुप यहूदीतिवी ती ठिमला मातेन्नी दिक्पा क्यासिन खोकी ठिमला सिक्पावु दोके पर्च्या तोङ्गिगी। १३च्यिलासिसिन ठिम ड्येन्नी मीतिवा ति कोन्छ्योककी थोङ्दाडला टेङ्बु मेवी, यिने ती ठिमला युक्प मीतिवा ति कोन्छ्योककी थोङ्दाडला टेङ्बु गिगी। १४यहूदी मिन्दुप मिरिक यम्बाकी मीतिवी मुला मोशाकी ठिम ति मे, यिने मोशाकी ठिमला सिक्पावु दोके तिवी सेम नेमा मिजी टेङ्बु क्याङ्सुड सिसिन, तिवी मुला ठिम मेसिनाड ती ति तिवी मिजीकी थोक्ला ठिम यिन। १५तुक क्यानी कोन्छ्योककी ठिमला काड गोवु ति तिवी सेमला टि वे सिरुप ति

तिवी सेम नेमा पड्बु तेर्किवी। तमा तिवी सेमला वोतुप ठिमकी तिवी नासामला ल्यामु काड यिन, मेलोवा काड यिन सिरुप ति बेकिवी। १६दी तामडे ति डे ख्याप्टाक क्यावु लेन ल्यामुला सिक्क्यावु दोके येशू ख्रीष्ट नेसुर कोन्छ्योककी मीतिवी क्यावु छ्याकला वोतुप तामडेतिवा तेरीकी खला ठिम कितुप तुजेला ठछ्येली हाक्कोकिवी।

यहूदीतिवा ताड कोन्छ्योककी नङ्गुप ठिम

१७दोजो ख्युरुड ड यहूदी यिन सिवी, ठिमला रेवा क्यानी कोन्छ्योक ताड मुला तम्जी ल्यामु वे सिनी अम्बारडिशड किवी, १८तमा दोजो ख्युरुड खोकी नोवा साड हाक्कोकिवी, ख्युरुड कोन्छ्योककी ठिम लापुप तप्की खक्छ्येवु तामडेतिवा साड गिवी सिनी सिवी, १९तमा दोजो ख्युरुड मिक् शर्वाला लाम छ्या देन्दुप मी यिन, नक्तोमीला लाम माड्येवु मीतिवाला लाम छ्या देन्दुप मी यिन सिनी सिवी, २०तमा दोजो ख्युरुड कोन्छ्योककी नङ्गुप तेरी ठिम नेसुर रिक्पा ताड मिजी टेड्बुकी कोर्ला हाक्कोवु तप्की अम्बारडिशडतिवाला मेलोवा गल्सिन ल्यामु जेवी, काड साड हाक्कोकोवु मीतिवाला येन्देन तेर्किवी सिनी सिवी सिंसिन, २१च्यिला ती तामडे ति खुरुड

ति मालापनी मी यम्बातिवाला तिराड लोप्किवी? दाक्पी कुन कितुप मेवी सिनी ख्यिरा मीतिवाला ति लोप्किवी, यिने ख्युरुड ति च्यिला कुन किवी? २२शमडेन कितुप मेवी सिनी ख्योरो मीतिवाला लोप्किवी, यिने ख्युरुड ति च्यिला शमडेन किवी? तमा ख्युरुड ल्हतिवाला ताड्देन कितुप मेवी सिनी सिवी, यिने च्यिला ल्हडाडकी च्यालक राड कुन किवी? २३काड ख्युरुड कोन्छ्योककी नङ्गुप ठिमकी कोर्ला तेके किवी, यिने च्यिला ख्युरुड ति खोकी ठिमला मातेन्नी खोला ताड्देन मिक्किवी? २४ती तप्की कोन्छ्योककी सुडला “ख्यिरा तेन्दोककी यहूदी मिन्दुप मिरिक यम्बाकी मीतिवी कोन्छ्योकला मारे तोड्गिगी।” सिनी टि वे।*

२५दोजो ख्युरुड कोन्छ्योककी नङ्गुप ठिमला युक्किवी सिंसिन यहूदीतिवी च्येतुप लुकसु तेन्दुप साड तेन्दोक वे, यिने ठिम मातेन्सुड सिंसिन च्येतुप लुकसु तेन्दुप साड तेन्दोक मे। ख्युरुड ति यहूदी मिन्दुप मिरिक यम्बाकी मीतिवा दोके राड यिन। २६तुक क्यानी च्येतुप लुकसु माक्यावु मिरिक यम्बाकी मीतिवी कोन्छ्योककी नङ्गुप ठिमला सिक्क्यावु दोके मिजी क्योड्गिगी सिंसिन च्येतुप लुकसु मातेन्सिनाड च्येतुप लुकसु तेन्दुप यहूदीतिवा दोके

मिन रो? ^{२७}ती तप्की जुला च्येतुप लुकसु माक्यावुतिवी कोन्छ्योककी नङ्गुप ठिमला वोतुप दोके मिजी क्योङ्गिगवी सिसिन तिवी च्येतुप लुकसु क्यासिनाड कोन्छ्योककी ठिमला सिक्क्यावु दोके मिजी मोक्योङ्गुप मीतिवाला क्येन तेर्किवी। ^{२८}तुक क्यानी ख तिराडकी ड ति यहूदी यिन सिरुप ताड च्येतुप लुकसु क्यानी छ्या देन्दुप ति वुतुङ्की यहूदी मिन। ^{२९}यिने वुतुङ्की यहूदी टेङ्बु ति खोरो सेमगी दिड नेज्युनी कोन्छ्योककी ठिमला युकिवी। तमा वुतुङ्की च्येतुप लुकसु क्यावु ति ठिमला सिक्क्यावु दोके जुला तिराड कितुप मिन, कोन्छ्योककी थु चाङ्मा नेमा सेमला क्यावु यिन। तुका मीतिवाला मी नेसुर मिन, कोन्छ्योक नेमा ताङ्देन ड्येकिवी।

खोङ्तेर्मु वोतुप कोन्छ्योककी कोर्ला

३ तुकै यिन्सिन यहूदीतिवाला काड ख्येप्साड वे रो? यहूदीतिवी च्येतुप लुकसु क्यासिमा काड ख्येप्साड गिबी रो? ^२ख्येप्साड ति बडी वे। ती ति काड यिन सिसिन थल्माला कोन्छ्योककी यहूदीतिवाला खोकी सुड टेङ्बु ति चेक तेन नङ्गुप यिन। ^३दोजो तिवा ललाइकी ती सुडला तेपा माक्यासिन तिवी तेपा माक्यावु तप्की कोन्छ्योक ति

खोङ्तेर्मु मेतुप कोन्छ्योक यिन रो? ^४तुकै मिन, च्यिलासिसिन कोन्छ्योक ति छासे टेङ्बु वोतुप कोन्छ्योक यिन, यिने मी ति जिनोक जोप यिन। तुक क्यानी कोन्छ्योककी सुडला

“चोवोकी सुङ्गुप ताम्डेला मी तेरीकी ती सुड ति टेङ्बु वे सिनी सिवी।

ठिम कितुप पेला साड चोवोकी राड ग्येल थुष्किवी।”

सिनी टि वे।*

^५दोजो दाक्पी दिक्पा क्यासिमा कोन्छ्योक ति टेङ्बु वोतुप कोन्छ्योक यिन सिरुप ति हाक्कोकिवी सिसिन दाक्पु काड सिरुप? दाक्पुला पचर्या तोङ्गुप कोन्छ्योक ति मेटेङ्बु यिन रो? माङ्शोक मीतिवी तुकै राड नासाम तोङ्गिगी। ^६ती ताम्डे ति तुकै मिन, कोन्छ्योक ति मेटेङ्बु वोतुप यिन्सिन चुक क्यानी जम्बुलिडला ठिम क्या नङ्गिगी रो? ^७दोजो मी ललाइकी “डे जिनोक जोसिनाड कोन्छ्योककी डे जिनोक जोवु ताम्डेतिवा पङ्गुप तप्की कोन्छ्योक ति खोङ्तेर्मु वोतुप ताड खोला मोवा वोतुप ति छ्या देन्गिगी सिसिन ड ति च्यिला दिक्छेन दोके च्युङ्नी पचर्याला ख्येल्लिगी?” सिनी सि थुष्किवी रो? ^८दोजो मी ललाइकी दाक्पी “कोन्छ्योक नेमा ल्यामु च्युङ्शी सिनी लाका मेलोवा कितुप।” सिवी सिनी दाक्पुला ताम्डे

मेलोवा क्यासिन ती ताम्डे मेलोवा
सिरुप मीतिवाला कोन्छ्योककी
पचर्या फोकिवी।

टेड्बु वोतुप सु साड मे

६ तुकै यिन्सिन दाक्पु काड सिरुप?
दाक्पु यहूदीतिवा यहूदी मिन्दुप मिरिक
यम्बाकी मीतिवा सिनाड टेड्बु वे रो?
तुकै मिन। यहूदी ताड यहूदी मिन्दुप
मिरिक यम्बाकी मीतिवा तेरी दिक्पी
ओडला राड वे। दी ताम्डे ति डे
गोमाला साड सिक्क्यायी। १० ती तप्की
कोन्छ्योककी सुडला दुक सिनी टि वे,
“कोन्छ्योककी थोड्दाडला
टेड्बु वोतुप सु साड मे,
मिरा च्यिक साड मे।

११ कोन्छ्योककी थोकला हाक्कोवु
सु साड मे,
तमा कोन्छ्योकला छोलुप सु
साड मे।

१२ मीतिवा तेरी ख्यप्नी गल वे,
तमा तिवा तेरी फेन मोथोवु गल
वे।

सी साड लाका ल्यामु मिकिवी,
ल्यामु कितुप ति मिरा च्यिक
साड मे।”*

१३ “तिवी ख नेमा मी सेतुप ताम्डे
मेलोवा लप्किवी,
तमा तिवी मीला जिनोक जोप
ताम्डे किवी।”*

“तुक क्यानी तिवी ख नेमा लापुप
ताम्डे ति रुलकी च्येलाकला
वोतुप तुक दोके छासे
मेलोवा वे।”*

१४ “तिवी ख नेमा मोताप ताड ताम्डे
मेलोवा तिराड थेन्गिवी।”*

१५ “तिवा मी सेतुपला टिम्बु टिम्बु
युकिवी,

१६ ती तप्की तिवा कनी डिवे,
ते तिवी मी यम्बी लाकाला ना
तोड्गुप ताड दुक्पा तेरुप
लाका मेलोवातिवा किवी।

१७ तिवी चुक क्यानी लोदिमु गिवी
सिरुप ति हाक्माको वे।”*

१८ “तिवा कोन्छ्योकला काड साड
ज्यिवा मिकिवी।”*

१९ दी मोशाकी ठिमला सिक्क्यावु
तेरी ताम्डे ति ठिमकी ओडला
वोतुप मीतिवाला राड सिक्क्यावु
यिन सिरुप ति दाक्पुला छ्या वे।
ती तप्की तेरी जम्बुलिडकी मीतिवा
कोन्छ्योककी दोड्ला ख चुम क्या
देनी तेरी मीतिवा दिक्छेन यिनोक
सिनी हाक्कोवा कि गोकिवी। २० तुक
क्यानी मोशाकी ठिमला वोतुप
लाकातिवा तिराड क्यानी मी सु साड
कोन्छ्योककी थोड्दाडला टेड्बु
मेड्येवी, च्यिलासिसिन मोशाकी ठिम
नेसुर दाक्पी दिक्पाकी कोर्ला तिराड
हाक्कोकिवी।

तेपा क्यानी टेड्बु च्युङ्गुप कोर्ला

२१ यिने त याड मोशाकी ठिम मेसिनाड कोन्छ्योक नेमा वावु टेड्बु ति छ्या तेन वे। तीकी कोर्ला मोशाकी ठिम ताड कोन्छ्योककी लुङ्तेम्बातिवी गोमाला के पड्बु बिन वे। २२ ती कोन्छ्योक नेमा वावु टेड्बु ति येशू ख्रीष्टला तेपा क्यासिमा मी तेरीला वुङ्गुप यिन। खोकी सुला साड नाम्साड ख्ये मेबेवी। २३ च्यिलासिसिन मी तेरीकी दिक्पा क्यावु तप्की सु साड मोवा वोतुप कोन्छ्योककी चिप्ला लेप मुथुप्नोक। २४ यिने कोन्छ्योक ति कटिन नङ्गुप कोन्छ्योक यिन। खोकी ख्रीष्ट येशू नेसुर थर्वा नङ्नी मीतिवाला गोड ते मागोवा क्यानी टेड्बु यिन सिनी खोरे सेमला लासुड। २५ कोन्छ्योककी येशू ख्रीष्ट ग्यङ्गिङ्गला टुङ्ग च्यिनी खोकी ठक ति जिन्बा ताङ्गुसुड। ती तप्की येशू ख्रीष्टकी ठक ति दाक्पी थोक्ला तेन्दुप यिन सिनी तेपा क्यासिमा दाक्पी दिक्पातिवा तेरी ताकिवी। कोन्छ्योककी तुक क्या नङ्गुप ति दाक्पी गोमाला क्यावु दिक्पाकी थोक्ला हम क्यासिमा पच्यो माताङ्नी खो टेड्बु वोतुप ति छ्या देन्दुपला यिन। २६ खोकी हम क्यानी पच्यो माताङ्नी तन्दा दी कल्वाला टेड्बु वोतुप छ्या तेन्दुप तेन्दोक ति खो टेड्बु वोतुप ताड येशूला तेपा कितुपतिवा तेरी टेड्बु वोतुप ति मीतिवाला हाक्को ज्यितुपला यिन।

२७ ती तप्की दाक्पु कङ्गी थोक्ला तेके किवी? कोन्छ्योककी थोङ्दाडला दाक्पु तेके कितुप काड लाका माक्या वे। चुका ठिमकी थोक्ला तेके किवी? खोकी दोङ्गला तेके कितुप ति ठिमकी सिक्पावु दोके ल्यामु क्यानी युक्पु नेसुर यिन? मिन, येशू ख्रीष्टला तेपा क्यावु तप्की यिन। २८ तुक क्यानी कोन्छ्योककी थोङ्दाडला टेड्बु वोतुप ति मोशाकी ठिमला मिजी क्यङ्नी मिन, यिने येशू ख्रीष्टला तेपा क्यासिमा तिराड टेड्बु ड्येकिवी। २९ काड कोन्छ्योक ति यहूदीतिवी तिराड कोन्छ्योक यिन रो? यहूदी मिन्दुप मिरिक यम्बाकी मीतिवी कोन्छ्योक मिन रो? वुतुङ्ग के खो यहूदी मिन्दुप मिरिक यम्बाकी मीतिवी कोन्छ्योक साड यिन। ३० कोन्छ्योक ति च्यिक राड वोतुप यिन। तुक क्यानी खोकी यहूदीतिवी च्येतुप लुक्सु क्यावुतिवाला तिवी क्यावु तेपा थोङ्नी तिवा टेड्बु वोतुप ड्येकिवी, च्येतुप लुक्सु माक्यावुतिवाला साड तिवी क्यावु तेपा थोङ्नी तिवा टेड्बु वोतुप ड्येकिवी। ३१ तुके यिन्सिन काड दाक्पु येशूला तेपा क्यासिमा मोशाकी ठिम ति क्यानी ज्योकुप यिन रो? मिन, ती ठिमला मड रम्बु जोनी ज्योकुप यिन।

अब्राहामकी तेपा क्यावु

४ तुक क्यानी दाक्पी हङ्गावा अब्राहाम ति कोन्छ्योककी थोङ्दाडला टेड्बु वोतुप कोर्ला काड

हाक्कोसुड? २दोजो अब्राहामकी लाका ल्यामु क्यानी टेड्बु च्युङ्गुप यिन्सियाड खोकी साड तीकी थोक्ला तेके कि थुप्किवी, यिने कोन्छ्योककी थोड्दाडला ति तेके कि मुथुपी। ३च्यिलासिसिन कोन्छ्योककी सुडगी नाड्ला “अब्राहामकी कोन्छ्योकला तेपा क्यावु तप्की खोकी तीला टेड्बु वे सिनी सेमला लासुड।” सिनी टि वे।

४तमा लाका कितुप मीला ल तेरुप ति ज्यिन्दाककी कटिन नेसुर मिन, तीकी क्यावु लाकाकी ल बिन्दुप यिन। ५चुका मी तीकी टेड्बु वोतुप लाका ति मिकिवी, यिने कोन्छ्योक ति मी मेटेड्बुतिवाला साड टेड्बु वे सिनी सेमला लिङ्गुप कोन्छ्योक यिन सिनी तेपा कितुप पेला तीकी क्यावु तेपाला टेड्बु वे सिनी खोकी सेमला लिङ्गिगी। ६ती तप्की लाका टेड्बु माक्यानी साड टेड्बु वे सिनी खोकी सेमला लिङ्गुप मीतिवाला मोलाम थोपुप कोर्ला ग्येल्वु दाऊदकी दुक सिक्या वे,

७“कोन्छ्योककी नङ्गुप ठिमला मातेन्सिनाड

तिवी दिक्पा तानी दिक्पा ने थरुप मीतिवाला मोलाम थोपुप यिनो।

८चो दिक्पा क्यासिनाड

चोवो कोन्छ्योककी दिक्पा क्युर्नी बिन्दुप मी तीला मोलाम थोपुप यिनो।”*

९ती मोलाम ति यहूदी च्येतुप लुकसु क्यावुतिवी थोक्ला तिराड यिन की, च्येतुप लुकसु माक्यावुतिवी थोक्ला साड यिन? अब्राहामकी साड तीकी क्यावु तेपा नेसुर राड टेड्बु वे सिनी कोन्छ्योककी सेमला लासुड सिनी गोमाला सिक्पावु ताम्डे नेसुर दाक्पी हाक्कोकिवी। १०चुक क्यानी अब्राहामला टेड्बु वे सिनी खोकी सेमला लिङ्गुप यिन? तीकी च्येतुप लुकसु क्यावु तिङ्ला तीला टेड्बु वे सिनी खोकी सेमला लिङ्गुप यिन की, ती सिनाड गोमाला के तीला टेड्बु वे सिनी सुङ्गुप यिन? तीला टेड्बु वे सिनी खोकी सेमला लिङ्गुप ति च्येतुप लुकसु क्यावु तिङ्ला मिन, गोमाला के यिन।

११अब्राहामकी च्येतुप लुकसु कितुप सिनाड गोमाला कोन्छ्योकला तेपा क्यासुड। ती तप्की तीकी च्येतुप लुकसु क्यावु ति कोन्छ्योककी थोड्दाडला टेड्बु च्युङ्गुप यिन सिरुपला लज्युर ग्यकुप त तिराड यिन। अब्राहाम ति च्येतुप लुकसु माक्यासिनाड कोन्छ्योकला तेपा क्यावु मीतिवा तेरीकी हङ्गावा च्युङ्गुप यिन। तुक क्यानी च्येतुप लुकसु माक्यावुतिवाला साड टेड्बु वे सिनी कोन्छ्योककी सेमला लिङ्गिगी। १२ती तिराड मिन, अब्राहाम ति च्येतुप लुकसु क्यावुतिवी हङ्गावा साड यिन।

च्येतुप लुकसु क्यावु तिराड मिन,
च्येतुप लुकसु कितुप सिनाड गोमाला
के कोन्छ्योकला तेपा कितुपतिवा
तेरीकी हङ्गावा यिन।

थाक्छ्येन नङ्गुप ति तेपा नेसुर गिवी

१३ तमा अब्राहाम ताड खोकी
गिपातिवाला ती जम्बुलिड ति अंश
ग्यप्नी नङ्गिवी सिनी कोन्छ्योककी
थाक्छ्येन नङ्गुप ति तिवी मोशाकी
ठिमला सिक्क्यावु दोके लाका क्यानी
मिन, यिने तेपा क्यानी टेड्बु च्युङ्गुप
नेसुर यिन। १४ मोशाकी ठिमला
दोके लाका कितुपतिवी अंश थोपुप
यिन्सिन तेपा कितुप ति काड साड फेन
मोथोवु ताड खोकी थाक्छ्येन नङ्गुप
ति तेर्मला डिवी। १५ च्यिलासिसिन
मोशाकी ठिमला वोतुप कतिवा
मेङ्गेन्दुपतिवा कोन्छ्योककी
पच्यार्याला ख्येल्लिगी, यिने ठिम मेतुप
यिन्सिन ठिमला मेङ्गेन्दुप साड मेवी।

१६ ती तप्की कोन्छ्योककी
थाक्छ्येन नङ्गुप ति खोला तेपा
कितुप मीतिवाला बिन्दुप यिन। ती
थाक्छ्येतुप ति कोन्छ्योककी कटिन
नेसुर वावु तप्की मोशाकी ठिमला
युकुप मीतिवी थोक्ला तिराड मिन,
अब्राहामकी दोके तेपा कितुप तीकी
गिपातिवा तेरीला तेरुप सिनी तेन्तेन
क्यावु यिन। तुक क्यानी अब्राहाम ति

तेपा कितुप मी तेरीकी हङ्गावा यिन।
१७ ती ति कोन्छ्योककी अब्राहामला
“ड ख्युरुडला मिरिक बडीकी पपा
जोयिनो।” सिनी खोकी सुडला
टिवु दोके राड यिन। ती थाक्छ्येन
नङ्गुप ति अब्राहामकी तेपा क्यावु
कोन्छ्योककी तेन्तेन क्या नङ्गुप
यिन। खो ति शेषतिवाला मिजी नङ्गुप
ताड मेतुप च्यालकतिवाला वोतुप जो
नङ्गुप कोन्छ्योक यिन।*

१८ अब्राहामला काड रेवा मेसिनाड
कोन्छ्योकला तेपा क्यानी रेवा क्यावु
तप्की खो मिरिक बडीकी हङ्गावा
च्युङ्गुसुड। ती ति कोन्छ्योककी
अब्राहामला “ख्योरो गिपातिवा बडी
फेल्लितो।” सिनी सुङ्गुप दोके राड
यिन।* १९ तो मिसिन लो सयी लेपुप
छलुप अब्राहाम शितुछ्येप ताड
पेर्मी साराला पेजा मेक्येवी सिरुप
छ्या वोसिनाड कोन्छ्योकला
तेपा रम्बु क्यानी २० कोन्छ्योककी
थाक्छ्येन नङ्गुप ताम्डेला च्यिक
साड नाम्दोक माक्या। बोरु तेपा रम्बु
क्यानी कोन्छ्योकला मोवा क्यासुड।
२१ कोन्छ्योककी खोरो थाक्छ्येन
नङ्गुप ति तेरी छे ज्यितुप ओड वे
सिनी अब्राहामकी तेन्तेन क्यासुड।
२२ तीकी कोन्छ्योकला तेपा क्यावु
तप्की “अब्राहाम टेड्बु वे सिनी
कोन्छ्योककी सेमला लासुड।” सिनी
खोकी सुडला टि वे। २३ “अब्राहाम

टेड्बु वे सिनी कोन्छ्योककी सेमला लासुड।” सिरुप सुड ति अब्राहामकी थोकला तिराड टिवु मिन, ^{२४}येशू ख्रीष्टला शेष ने डोसु लोड्गुप कोन्छ्योकला तेपा क्यानी खोकी थोड्दाडला टेड्बु ड्येतुप दाक्पु तेरीकी थोकला साड टिवु यिन। ^{२५}येशू ख्रीष्ट ति दाक्पी दिक्पी थोकला टुड्सुड, तमा दाक्पु कोन्छ्योककी थोड्दाडला टेड्बु ड्येतुपला खो डोसु लासुड।

तेपा नेसुर कोन्छ्योककी मुला तम्जी च्युड्गुप

५ तुक क्यानी त याड दाक्पु चोवो येशू ख्रीष्टला तेपा क्यानी कोन्छ्योककी थोड्दाडला टेड्बु ड्येतुप तप्की येशू ख्रीष्ट नेसुर कोन्छ्योककी मुला तम्जी ल्यामु च्युड वे। ^२दाक्पी येशू ख्रीष्टला तेपा क्यावु तप्की खोकी दाक्पुला कटिन नड्नी वे। ती कटिनला राड दाक्पु तसाम देनी वे। तमा ज्युक्थमाला कोन्छ्योककी दाक्पुला नड्गुप मोवाकी थोकला रेवा क्यानी गा किवी। ^३तो जो तिराड मिन, दाक्पु छेटाडला ख्येलुप पेला साड गा क्यानी दे थुप्किवी। च्यिलासिसिन छेटाड ख्येल्सिमा ती छेटाडकी राड दाक्पुला हम क्या दे थुपुप जेवी। ^४दाक्पु हम क्या देसिमा दाक्पी किताड नालु ल्यामु जेवी। तमा किताड नालु ल्यामु च्युड्सिमा दाक्पुला रेवा ड्येकिवी। ^५तमा ती रेवा ड्येसिमा दाक्पुला

यिछ्येता मलडिगवी। च्यिलासिसिन कोन्छ्योककी दाक्पुला नड्गुप थु चाड्मा नेमा खोकी ड्रियड्ज्ये ति दाक्पी सेमला छासे क्यानी नाड्सुड।

^६तुक क्यानी दाक्पु दिक्पी ओडला शोनी काड साड कि मुथुपुप पेला राड येशू ख्रीष्ट दाक्पी दिक्पी थोकला टेके तुजेला टुड्सुड। ^७ल्यामु वोतुप मी थोकला शेष ति मी चे चेयी वोज्यिवी, तमा टेड्बु वोतुप मी थोकला शेष ति ललाइ ललाइ तिराड वे। ^८यिने कोन्छ्योककी दाक्पु दिक्छेन वोसिनाड दाक्पी दिक्पी थोकला येशू ख्रीष्ट टुड च्यिनी खोकी दाक्पुला ड्रियड्ज्ये छ्या तेन्सुड। ^९तुक क्यानी त याड खोकी ठक नेसुर दाक्पु कोन्छ्योककी थोड्दाडला टेड्बु ड्येतुप तप्की वुतुड के ख्रीष्ट नेसुर दाक्पु कोन्छ्योककी पर्च्या नेमा ज्होकिवी सिरुप ति मड तेन्तेन वे। ^{१०}च्यिलासिसिन दाक्पु कोन्छ्योक ताड मुला डला गल वोसिनाड खोकी सेवु येशू ख्रीष्ट टुड्नी दाक्पु कोन्छ्योक ताड मुला डिक्नी तम्जी ल्यामु च्युड वे। तुक क्यासिन त याड येशू ख्रीष्ट डोसु वोतुप तप्की वुतुड के दाक्पु दिक्पा ने थरुप ति मड तेन्तेन वे। ^{११}तो जो तिराड मिन, दाक्पी चोवो येशू ख्रीष्ट नेसुर दाक्पु कोन्छ्योक ताड मुला तम्जी ल्यामु च्युड्गुप तप्की खोकी दाक्पी थोकला क्या नड्गुप लाकाकी जोसालेन्सिन त याड दाक्पु छासे गा लानी वे।

आदम ताड ख्रीष्ट

१२ तुक क्यानी मी च्यिककी दिक्पा क्यावु तप्की दी जम्बुलिङला दिक्पा वानी ती दिक्पाकी जोसालेन्सिन मी ति शेषला ख्येल्सुड। ती दोके तेरी मीतिवी दिक्पा क्यावु तप्की शेष ति तेरी मीतिवा खला ख्येल्सुड। १३ कोन्छ्योककी मोशाला ठिम नङ्गुप सिनाड गोमाला दी जम्बुलिङला दिक्पा नोक, यिने दिक्पाकी कोर्ला ठिम मेतुप तप्की दिक्पाकी छ्येर्पा साड मिन्दुक। १४ आदमकी डो नेज्यु मोशाकी डो सेक आदमकी क्यावु दिक्पा दोके माक्यावु मीतिवी खला साड शेषकी ग्येला क्यासुड। ती आदम ति तिङ्ला फेपुप ख्रीष्टकी नमुना यिन।

१५ यिने आदमकी दिक्पा ताड कोन्छ्योककी कटिन नेमा वावु इयेम्बा ति कुतुक कुतुक यिन। च्यिलासिसिन आदमकी दिक्पा क्यावु तप्की मी बडी शिसुड, यिने कोन्छ्योककी कटिन ताड, येशू ख्रीष्ट मी च्यिककी कटिन नेसुर वावु इयेम्बा ति मी बडीकी थोक्ला ग्यक्चे क्यानी च्युङ्सुड। १६ कोन्छ्योककी नङ्गुप कटिनकी इयेम्बा ति आदमकी क्यावु दिक्पाकी क्येन दोके मिन। च्यिलासिसिन आदम मी च्यिककी क्यावु दिक्पाकी जोसालेन्सिन तेरी मीतिवा कोन्छ्योककी पच्यर्याला ख्येल्सुड, यिने तेरी मीतिवी दिक्पा

बडी क्यासिनाड कोन्छ्योककी कटिनकी इयेम्बा नङ्नी मीतिवा तेरीला कोन्छ्योककी थोङ्दाडला टेङ्बु इयेतुप जेवी। १७ आदमकी क्यावु दिक्पाकी जोसालेन्सिन तेरी मीतिवा दिक्पाला शोर्नी शेषकी ग्येला किवी, यिन्सिनाड कोन्छ्योककी ग्यक्चे वोतुप कटिन ताड टेङ्बुकी इयेम्बा थोपुप मीतिवा ति येशू ख्रीष्ट मी च्यिक नेमा तिवी मिजीला ग्येला किवी सिरुप ति मड तेन्तेन वे।

१८ तुक क्यानी मी मिरा च्यिककी क्यावु दिक्पाकी जोसालेन्सिन तेरी मीतिवाला कोन्छ्योककी पच्यर्या फोकसुड। तुक राड क्यानी मी मिरा च्यिककी लाका टेङ्बु क्यावु तप्की तेरी मीतिवाला मिजी नङ्गुप कोन्छ्योककी थोङ्दाडला टेङ्बु वोतुप इयेसुड। १९ च्यिलासिसिन आदम मी च्यिककी कोन्छ्योककी कला माइयेन्दुप तप्की मी बडी दिक्छेन च्युङ्गुप दोके त याड येशू ख्रीष्ट मी च्यिककी कोन्छ्योककी कला इयेन्दुप तप्की मी बडीला दिक्पा ने थर्नी टेङ्बु च्युङ्सुड।

२० मोशाकी ठिम ति जम्बुलिङला वावु दुक्चे क्येनतिवा बडी फेलुपला यिन। यिन्सिनाड दिक्पा बडी फेलुप तप्की कोन्छ्योककी कटिन साड मड फेल्सुड। २१ तुक क्यानी दिक्पाकी जोसालेन्सिन मीतिवा तेरीकी खला शेषकी ग्येला कितुप दोके कोन्छ्योककी कटिन साड

टेड्बु वोतुप नेसुर ग्येला किवी। तमा दाक्पी चोवो येशू ख्रीष्ट नेमा दाक्पुला नाम्साड मिशिवु मिजी नडिगवी।

दिक्पाला शिनी ख्रीष्टला मिजी क्योङ्गुप

६ तुकै यिन्सिन त डियराड काड सिरुप? दाक्पी लाका मेलोवा क्यासिनाड कोन्छ्योककी दाक्पुला कटिन नडिगवी सिनी दाक्पु येलुड दिक्पा क्या क्यावा देकिवी रो? २तुकै मिन, काड दिक्पी जोसालेन्सिन दाक्पु शिसुड, यिने च्यिला येलुड दिक्पा क्या क्यावा राड देकिवी? ३ख्यिराडला छ्या राड वे, दाक्पु तेरीकी बप्तिस्मा लासिमा येशू ख्रीष्ट ताड मुला च्यिक्पा राड च्युङ्गुप यिन। तीकी तेन्दोक ति दाक्पु बप्तिस्मा लङ्गुप पेला दाक्पी मिजी डियड्बा ति खोकी मुला राड शेष यिन। ४तुक क्यानी दाक्पु बप्तिस्मा लावु तप्की खोकी मुला राड शिनी मुक्तुम ग्यपुप यिन। तमा कोन्छ्योककी मोवाकी थोक्ला येशू ख्रीष्ट टुङ्नी डोसु लावु दोके दाक्पु साड खो ताड मुला मिजी सम्बा क्योङ्गिगी।

५दोजो दाक्पु खोकी मुला राड शिनी खो ताड च्यिक्पा राड च्युङ्गिसन वुतुड के दाक्पु टुङ्नी डोसु लावु खो ताड मुला साड च्यिक्पा राड च्युङ्गिगी। ६दाक्पी दिक्पा वोतुप मिजी ति ना डोशी, तमा येलुड दाक्पु दिक्पी ओडला मेख्येल्शी सिनी दाक्पी

मिजी डियड्बा ति खो ताड मुला राड ग्यडिंशड लोला कल्नी शेष यिन सिरुप ति दाक्पुला छ्या वे। ७च्यिलासिसिन मी शिसिमा दिक्पाकी तीला ओङ्ज्येन कि मुथुपी। ८तुक क्यानी दाक्पु येशू ख्रीष्टकी मुला राड शेष यिन्सिन खोकी मुला राड डोसु साड लङ्गिगी सिनी दाक्पी तेपा किवी। ९ख्रीष्ट टुङ्नी येलुड डोसु लावु यिन। त याड खो नाम्साड मुटुङ्गिगी, च्यिलासिसिन शेषकी खोला काड साड कि मुथुपी सिरुप ति दाक्पुला छ्या वे। १०येशू ख्रीष्ट थेङ्मा च्यिक राड दिक्पी थोक्ला टुङ्गुप यिन। त याड खो डोसु लानी कोन्छ्योककी थोक्ला डोसु ज्युकिवी। ११तुक राड क्यानी ख्यिराड साड दाक दाक्पी दिक्पी थोक्ला शेष यिन, यिने त याड येशू ख्रीष्ट ताड मुला राड कोन्छ्योककी थोक्ला सेन्बु लावु यिन सिनी नासाम तोड गोकिवी।

१२ती तप्की तफेन्ला ख्यिरा शिनी डोप जु ति दिक्पी ओडला ख्येल माज्यी, ख्यिरा मिजीला ख्यिरा जुकी सेम मेलोवाकी ग्येला कि माज्यी। १३रङ्गी जुकी येन्लकतिवा ति लाका मेटेड्बु कितुपला दिक्पाला माबिन, यिने ख्यिराड शिनी साड सेन्बु लावु मी यिन्दुप तप्की ख्यिरा मिजी तेरी कोन्छ्योकला पुल। रङ्गी जुकी येन्लकतिवा ति कोन्छ्योककी थोङ्दाडला टेड्बु वोतुप लाका कितुपला पुल। १४तुक क्यासिन दिक्पाकी ख्यिरा मिजीला ग्येला

मिकिवी, च्यिलासिसिन ख्यिराड ठिमकी ओडला मिन, कोन्छ्योककी नङ्गुप कटिनकी ओडला वे।

कोन्छ्योककी थोड्दाडला टेड्बु च्युङ्गुप

१५ तुकै यिन्सिन काड कि गोकिवी? त दाक्पु ठिमकी ओडला मेनी कटिनकी ओडला वे। तुक क्यानी येलुड दिक्पा राड कितुपजा? तुकै ति मिन। १६ ख्यिराड सी खला ड्येन्नी तीकी योक्पु किवे, ख्यिराड तीकी योक्पु यिन सिनी छ्या मे? ती दोके ख्यिराड दिक्पाकी ओडला देतुप यिन्सिन ख्यिराड दिक्पाकी योक्पु च्युङ्गुनी शिवी, याङ्ना कोन्छ्योककी कला ड्येन्सुड सिसिन खोकी थोड्दाडला ख्यिराड टेड्बु च्युङ्गुगवी। १७ यिने कोन्छ्योकला थुचिछे बुल गोकिवी, च्यिलासिसिन तोड्ला ख्यिराड थेङ्मा यी दिक्पाकी योक्पु च्युङ्गुनी वे, यिने त याड ड्यिरा ख्यिराडला कोन्छ्योककी कोर्ला नङ्गुप येन्देन ति टेड्बु नोक सिनी ख्यिरा सेमगी दिड नेज्युनी ड्येन्दुप तप्की १८ ख्यिराड दिक्पा ने थर्नी कोन्छ्योककी थोड्दाडला लाका टेड्बु कितुप योक्पु च्युङ्गुनी वे।

१६ दी ताम्डे ति ख्यिराडला हाक्कोवु कले वे। ती तप्की ड ख्यिरा हाक्कोवु ग्येतामला सिरिन। च्यिलासिसिन तोड्ला ख्यिराड थेङ्मा यी ख्यिरा रङ्गी जुकी येन्लकतिवा मेटेड्बु

कितुप ताड छासे दुक्चे क्यानकी लाका कितुपला योक्पु दोके च्युङ्गुसुड, यिने त याड ती ख्यिरा जुकी येन्लकतिवा कोन्छ्योककी थोड्दाडला टेड्बु कितुप योक्पु दोके खोला चेक ते। २० तोड्ला ख्यिराड दिक्पी ओडला ख्येलनी वोतुप पेला कोन्छ्योककी थोड्दाडला टेड्बु कितुप नो माक्या। २१ ती पेला ख्यिरा क्यावु लाकातिवा नेसुर काड ड्येसुड? तन्दा नासाम तोङ्गुप पेला छासे डोछा लङ्गुप लाका मेलोवा तिराड क्यासुड। ती तेरी लाकातिवी छ्येर्पा ति शेष यिन। २२ यिने त याड ख्यिराड दिक्पा ने थर्नी कोन्छ्योककी थोक्ला शब्ज्यी कितुप च्युङ्गुप तप्की ख्यिराड कोन्छ्योककी थोड्दाडला टेड्बु ड्येनी ख्यिराडला नाम्साड मिशिवु मिजी थोप्नी वे। २३ च्यिलासिसिन दिक्पा क्यावु छ्येर्पा ति शेष यिन, यिने कोन्छ्योककी नङ्गुप कटिनकी ड्येम्बा ति दाक्पी चोवो येशू ख्रीष्टला तेपा क्यासिमा थोपुप नाम्साड मिशिवु मिजी यिन।

जेन्दीकी पे नेसुर ठिमकी कोर्ला ताम्डे क्यावु

७ अच्युनुपतिवा, दी ताम्डे ति ड ठिमकी कोर्ला हाक्कोवुतिवाला सिरिन। मी ति सेन्बु वोता सेक ठिमकी ओडला लुकिवी सिरुप ति ख्यिराडला छ्या मे? २ तीकी कोर्ला ड ख्यिराडला पे यी शेतिन। पुम्पेजा मिरा च्यिककी जेन्दी क्यासिमा तीकी ख्योवा वोता

सेक ख्योवी ओडला देकिवी। यिने तीकी ख्योवा शिसुड सिसिन ती ति ख्योवी ओड नेसुर थर्किवी। ३तुक क्यानी ख्योवा माशि वोतुप पेला राड तीकी मी यम्बी मुला जेन्दी क्यासिन तीकी शम्डेन क्यावु यिन, यिने ख्योवा शिसिमा मी यम्बी मुला जेन्दी क्यासिन ख्योवी ओड नेसुर थरुप तप्की तीकी शम्डेन क्यावु मिन।

४ती तप्की अच्युनुपतिवा, ख्यिराड ख्रीष्ट ताड मुला ठिमकी थोक्ला साड शिसुड। तुक क्यानी ख्यिराड साड ठिमकी ओड नेसुर थर्नी शेष नेसुर डोसु लावु ख्रीष्टकी मुला च्यिक्पा राड च्युड वे। तुक क्यानी ख्यिराड डेलु गरुप दोके कोन्छ्योककी थोक्ला लाका ल्यामु कि गोकिवी। ५तोड्ला दाक्पु दिक्पी ओडला मिजी क्योडियन वोतुप पेला ठिम नेसुर दाक्पुला लाका मेलोवा कितुप नासाम वानी तीकी दाक्पुला ज्युक्ला शि ज्यितुप दिक्पा कि च्यिसुड। ६यिने त याड दाक्पु ठिमकी थोक्ला शिनी ठिमकी ओड ने थर्नी वे। तुक क्यानी तन्दा दाक्पु ठिमकी थेष नाड्ला टि वोतुप दोके किताड नालु डियड्बा मिन, कोन्छ्योककी थु चाड्माकी सुड्गुप किताड नालु सम्बा क्यानी कोन्छ्योकला शब्ज्यी बुल्लिगी।

मोशाकी ठिम नेसुर दिक्पा वावु

७त ड्यिराड काड सिरुप? काड ठिम ति दिक्पा यिन रो? तुकै मिन।

दोजो मोशाकी ठिम मेतुप यिन्सिन दिक्पा काड यिन सिरुप ति डला हाक्मोकोवी। ठिमकी थेष नाड्ला ख्युरुड देर्पा माकी सिनी सिमाक्यावु यिन्सिन देर्पा काड यिन सिरुप ति डला हाक्मोकोवुजा। ८यिने ठिमकी नाड्ला वोतुप कोन्छ्योककी कला देर्पा माकी सिनी सिमाक्यावु पेला च्यु ल्हानी डला तेरी परकी देर्पा कितुप नासामतिवा शार्सुड। तुक क्यानी ठिम मेतुप यिन्सिन दिक्पा ति शेष यिन। ९गोमाला ठिम मेतुप पेला ड सेन्बु राड वोतुप्जा, यिने कोन्छ्योककी क वासिमा दिक्पा काड यिन सिरुप ताड ड दिक्छेन यिन सिरुप ति डे हाक्कोसुड। तुक क्यानी ड ति दिक्पाला शोर्नी शेषला ख्येल्सुड। १०तमा कोन्छ्योककी मिजी तेरुपला थाक्छ्येन नड्गुप क वासिमा ड ति शेषला ख्येलुप यिन सिनी डे हाक्कोसुड। ११तमा ती कोन्छ्योककी नड्गुप क नेसुर राड दिक्पाकी च्यु ल्हानी डला जिनोक जोसिमा डला सेसुड। १२तुक क्यानी मोशाकी ठिम ति टेड्बु यिन, ठिमला वोतुप क साड चाड्मा ताड टेड्बु ताड ल्यामु वे। १३काड तुकै यिन्सिन ती ल्यामु वोतुप तीकी डला सेतुप यिन रो? तुकै मिन। दिक्पा काड यिन सिरुप ति छ्या देन्दुपला दिक्पाकी ल्यामु वोतुप ठिम थ्वोनी डला सेतुप यिन। तुक क्यानी ठिमकी क नेसुर दिक्पा ति मड मेलोवा वोतुप च्युड्मुड।

सेमला वोतुप नासाम ड्यी

१४ ठिम ति कोन्छ्योककी थु चाड्माकी नङ्गुप यिन सिरुप ति दाक्पुला छ्या वे। यिने ड ति चाड्मा मेतुप तप्की दिक्पाकी योक्पु च्युङ्गुप यिन। १५ ड काड कियी वे सिरुप ति डला हाक्मोकोवी। डे काड कितुप नोक्यावे, ती ति मिकिवी। यिने डे काड मिकी सिनी नोक्यावे, ती ति किवी। १६ दोजो डे नो माक्यावु लाका क्यासुड सिसिन ड ती ठिम ति ल्यामु यिन सिनी ड्येनिन। १७ तुक क्यानी तसाम डे क्यावु लाका मेलोवा ति डे क्यावु मिन, यिने डे सेमला वोतुप दिक्पाकी कि च्यितुप यिन। १८ तुक क्यानी दी ताम्डे ति डला छ्या वे। डे मिजीला ताम्डे ल्यामु काड साड मे। च्यिलासिसिन काड ल्यामु नोके ती लाका ति कितुप सिनी डे नोक्यासिनाड ती ति डे कि मुथुपी। १९ डे काड लाका ल्यामु कितुप नो क्यावे, ती ति मिकिवी। यिने डे कितुप नो माक्यावु लाका मेलोवा ति डे किवी। २० चुका ति डे मिकी सिनी नो क्यावे, ती ति क्यासुड सिसिन ती कितुप ति ड मिन, यिने डे नाड्ला वोतुप दिक्पाकी कि च्यितुप यिन।

२१ तुक क्यानी डे हाक्कोवु खक्छ्येवु ताम्डे ति काड यिन सिसिन डला ल्यामु कितुप नासाम वोसिनाड दुक्टा कि ज्यितुप डे ति डे मुला वोतुप यिन। २२ डे सेमगी दिड नेज्युनी

कोन्छ्योककी ठिमला वोतुप दोके लाका कितुप गा लासिनाड २३ डे सेमला वोतुप यम्बा ठिम दुक्टाकी नासाम कुतुक शर्किवी। ती ठिम ति कोन्छ्योककी ठिमला गा लङ्गुप डे सेमगी ठिम ताड मुला कशेन माडिकनी डे मिजीला वोतुप दिक्पी ठिमला शोर्किवी। २४ त ड काड कितुपजा, ड दिक्पी ओडला ख्येलनी टला छ्याक्पा गाल्सुड। सी डला दिक्पा नेसुर वुङ्गुप शेप ने थर ज्यि थुप्किवी? २५ कोन्छ्योकला थुचिछे बुलिन, च्यिलासिसिन खोकी दाक्पी चोवो येशू ख्रीष्ट नेसुर डला शेप ने थर ज्यिकिवी।

ती तप्की ड डे सेमला ति कोन्छ्योककी ठिमला शब्ज्यी बुलिन, यिने डे दिक्पी किताड नालु तीकी दिक्पाकी ठिमला शब्ज्यी किवी।

कोन्छ्योककी थु चाड्मा नेमा ड्येतुप मिजी

तुक क्यानी त याड येशू ख्रीष्टला तेपा कितुपतिवाला कोन्छ्योककी पचर्या मोफोकिवी। २ च्यिलासिसिन येशू ख्रीष्टला तेपा क्यासिमा मिजी सम्बा नङ्गुप कोन्छ्योककी थु चाड्माकी ठिमकी ख्यिराडला दिक्पा ताड शेपकी ठिम ने थर च्यिन वे। ३ मीतिवाला दिक्पा वोतुप तप्की मोशाकी ठिमकी काड साड कि मुथुप्नोक, यिने कोन्छ्योककी तिबी थोक्ला क्यासुड।

तीकी तेन्दोक ति खोकी च्यिक राड वोतुप सेवु येशू ख्रीष्ट ति दिक्छेन दोके दी जम्बुलिङला ताङ्नी मीतिवी दिक्पी थोक्ला जिन्बा च्युङ्सुड। तमा मीतिवी क्यावु दिक्पाकी छ्येपा ति खोकी खला ख्येल च्यिसुड। ४तुक क्यावु ति दिक्पाकी ओडला मिन, कोन्छ्योककी थु चाङ्माकी ओडला युकुप दाक्पी थोक्ला कोन्छ्योककी ठिमकी सिक्पावु दोके तेरी छे ज्यितुपला यिन।

५दिक्पाकी ओडला युकुपतिवा ति दिक्पी नासाम तोङ्गिगी, यिने कोन्छ्योककी थु चाङ्माकी ओडला युकुपतिवा ति थु चाङ्माकी नासाम तोङ्गिगी। ६दिक्पी नासाम ति शेष यिन, यिने कोन्छ्योककी थु चाङ्माकी नासाम ति मिजी ताड लोदिमु यिन। ७तमा दिक्पी नासाम ताङ्नी युकुप ति कोन्छ्योक ताड मुला डला गलुप यिन, च्यिलासिसिन तुका मी ति कोन्छ्योककी नङ्गुप ठिमला सिक्पावु दोके युकुप साड मुयुकिवी, कितुप साड मुथुपी। ८तुक क्यानी दिक्पी नासाम ताङ्नी युकुप मी तीकी कोन्छ्योकला गा लोड मुथुपी। ९यिने कोन्छ्योककी थु चाङ्मा ख्यिरा मिजीला वोसिन ख्यिराड दिक्पाकी ओडला देतुप मिन, कोन्छ्योककी थु चाङ्माकी ओडला मिजी क्योङ्गुप यिन। तुक क्यानी सी मुला ख्रीष्टकी थु मेवे, ती ति ख्रीष्टकी मी मिन। १०दोजो ख्यिरा मिजीला ख्रीष्ट येशू वोसिन

ख्यिरा जु ति दिक्पा क्यावु तप्की शिसिनाड कोन्छ्योककी थोङ्दाडला टेङ्बु वोतुप तप्की ख्यिरा सेम ति सेन्बु लुकिवी। ११दोजो येशूला शेष ने डोसु लोङ्गुप कोन्छ्योककी थु चाङ्मा ति ख्यिरा मिजीला ज्यु वोसुड सिसिन, येशूला शेष ने डोसु लोङ्गुप कोन्छ्योककी ख्यिरा मुला ज्यु वोतुप खोकी थु चाङ्मा नेमा ख्यिरा शेष जु साड सेन्बु लोङ्गिगी।

१२तुक क्यानी अच्युनुपतिवा, कोन्छ्योककी थु चाङ्माकी दाक्पुला सुङ्गुप दोके क्यानी दाक्पी मिजी क्योङ्गुप गोकिवी, दिक्पाकी ओडला सेम नोजु क्यानी मिजी क्योङ्गुप मेवी। १३दोजो ख्यिराड दिक्पाकी ओडला सेम नोजु क्यानी राड मिजी क्योङ्गिगी सिसिन शिवी, यिने कोन्छ्योककी थु चाङ्माकी ओड नेसुर ख्यिरा दिक्पाकी ओडला मिजी क्योङ्गुप क्युर्सुड सिसिन ख्यिराड सेन्बु लुकिवी। १४च्यिलासिसिन सु कोन्छ्योककी थु चाङ्माकी सिक्पावु दोके मिजी क्योङ्गिगे, तिवा तेरी कोन्छ्योककी पेजातिवा यिन। १५त याड ख्यिराड ज्यिवा लङ्गुप दिक्पाकी ओडला मिन, कोन्छ्योककी थु चाङ्माकी ओड थोपुप तप्की ख्यिराड कोन्छ्योककी पेजातिवा यिन। तुक क्यानी दाक्पी कोन्छ्योकला “पपा” सिनी सि थुप्किवी। १६तमा कोन्छ्योककी थु चाङ्माकी दाक्पी सेम ताड मुला राड

दाक्पु ति कोन्छ्योककी पेजातिवा यिन सिरुप ति पड्बु नडिगवी।
 १७ दाक्पु कोन्छ्योककी पेजातिवा यिन सिसिन ख्रीष्टकी मुला राड कोन्छ्योककी ग्येल्खापकी अंश थोप छ्योवु यिन। दोजो दाक्पु ख्रीष्टकी मुला राड कोन्छ्योककी मोवा थोप्नी वोसिन खोकी मुला राड दुक्पा साड खुर गोकिवी।

ज्युक्थमाला वुङ्गुप मोवा

१८ तसाम पेला दी मिजीला दाक्पुला वुङ्गुप दुक्पा ताड ज्युक्ला दाक्पुला इयेतुप कोन्छ्योककी मोवा ति डिक्नी ल्हासिन ती दुक्पा ति काड साड मिन सिनी नासाम शर्किवी।
 १९ कोन्छ्योककी ज्ये नङ्गुपतिवा तेरीकी खोकी पेजातिवा वुङ्गुप ति ल्हापला छासे रेवा क्यानी गुनी देन वे। २० च्यिलासिसिन खोकी ज्ये नङ्गुपतिवा तेरी फेन मोथोवु गल वे, ती ति खुरुड राड तुकै गलुप मिन, खोकी नोवाकी राड जो नङ्गुप यिन। यिने तिवाला रेवा ति वे। २१ ती रेवा ति खोकी ज्ये नङ्गुपतिवा तेरी ना डोप ने ज्होक्नी तिवा खोकी पेजातिवाला नङ्गुप मोवा वोतुप रङ्ग्येन थोपुप रेवा यिन। २२ तसाम सेक खोकी ज्ये नङ्गुप तेरीला छासे दुक्पा वोतुप तप्की आडा क्येप सुक ग्यपुप दोके छेटाडला ख्येल वे सिरुप ति दाक्पुला छ्या वे। २३ तिवा तिराड मिन, खोकी थु चाङ्मा नेसुर गोमाला गरुप डेलु

यिन्दुप दाक्पु साड खोकी पेजातिवा च्युङ्गुपला ताड खोकी दाक्पी मिजी ति तेरी थर्वा नङ्शी सिनी दुक्पा वोसिनाड रेवा क्यानी गुनी देन वे। २४ च्यिलासिसिन दाक्पी ती रेवा क्यावु तप्की खोकी दाक्पुला थर्वा नाड वे। ती रेवा ति दाक्पी मिक्की थोङ्गुप रेवा मिन। च्यिलासिसिन सी साड थोङ्गुप च्यालकला रेवा मिक्किवी। २५ यिने दाक्पु मिक्की मोथोङ्गुप च्यालकला रेवा किवी सिसिन ती रेवा क्यावु ति माथोपा सेक हम क्यानी गुनी दे गोकिवी।

२६ तुक राड क्यानी कोन्छ्योककी थु चाङ्माकी साड दाक्पु काड साड कि मुथुपुप पेला दाक्पुला दाल्जा क्या नडिगवी, च्यिलासिसिन दाक्पी चुक सिनी मोपोर कि गोकिवी दाक्पुला हाक्मोकोवी, यिने कोन्छ्योककी थु चाङ्माकी राड दाक्पी छापला इयेन्बी सोक ताङ्नी मीकी कि मुथुपुप ताम्डेला मोपोर क्या नडिगवी। २७ तमा तेरी मीतिवी सेमगी ताम्डे ल्यामु हाक्कोवु कोन्छ्योककी राड खोकी थु चाङ्माकी नोवा काड यिन सिरुप ति हाक्कोकिवी, च्यिलासिसिन कोन्छ्योककी नोवाला वोतुप दोके थु चाङ्माकी खोला तेपा कितुप मीतिवी छापला मोपोर क्या नडिगवी।

२८ कोन्छ्योकला डिङ्गुप ज्ये कितुपतिवा ताड खोकी नोवा नेसुर पेतुप मीतिवाला ख्येल वुङ्गुप छेटाड दुङ्गुल ताड लोदिमु काड वोसिनाड

खोकी ती तेरी मुला राड ल्यामु जो नडिगवी सिरुप ति दाक्पुला छ्या वे।
 २६ खोकी जम्बुलिड ज्येङ्गुप सिनाड गोमाला के खोरे डो शेवु मीतिवाला पेनी खोरे पुज्युडकी जुजम दोके च्युङ्गुपला जो नाड्सुड। तुक क्यानी ती पुज्युड ति नुपतिवी नाड्ला तेरी सिनाड छ्ये च्युङ्गुप यिन। ३० सु सुला खोकी गोमाला के पेन नड वे, पेन नङ्गुपतिवाला खोकी कताड नाड्सुड। तमा कतङ्गुपतिवाला खोकी थोड्दाडला टेड्बु जो नाड्सुड। तमा टेड्बु जो नङ्गुपतिवाला खोकी मोवा साड नाड्सुड।

कोन्छ्योककी डियङ्ज्ये

३१ दी ताम्डेतिवा ति नासाम तडिसन दाक्पु काड सि थुक्किवी? दोजो कोन्छ्योक दाक्पी छ्योला ज्यु वोसिन सु दाक्पी तेन्दोकला लड थुक्किवी? ३२ दाक्पी दिक्पी थोक्ला कोन्छ्योककी खोरे सेवु साड ज्होक माज्याक्नी दाक्पुला नाड्सुड सिंसिन, खोकी सेवुकी मुला राड यम्बा साड तेरी कटिन नेसुर दाक्पुला मानडिगवी रो? ३३ खोकी पेन नङ्गुप मीतिवाला सी साड क्येन ग्यक मुथुपी। तिवाला टेड्बु सिनी चेप ति कोन्छ्योक राड यिन। ३४ तुक क्यानी सी तिवाला क्येन तेर्किवी? येशू ख्रीष्ट ति मीतिवी दिक्पी थोक्ला टुडिसमा डोसु लानी तन्दा

कोन्छ्योककी छ्याक यावी थाकाला ज्युनी दाक्पी छापला मोपोर कियी वे। ३५ ती तप्की सी दाक्पुला येशू ख्रीष्टकी डियङ्ज्ये नेसुर क्येङ्सु जो थुक्किवी रो? दुक्पाला ख्येल्सिनाड, दुङलला ख्येल्सिनाड, छेटाडला ख्येल्सिनाड, लहोरेला गल्सिनाड, पेतुङ्बा थेन्सिनाड, दुक्टा ताड खुर्पाकी कडगी साड दाक्पुला ख्रीष्ट नेसुर क्येङ्सु जो मुथुपी। ३६ ती तप्की कोन्छ्योककी सुडला दुक् सिनी टि वे,

“ख्योरो थोक्ला मीतिवी

डियराडला डियमी टेड सेतुप छोलिगी,

डियराड याड सेतुपला ज्युकुप

लुक दोके गल वे।”*

३७ तुकै यिन्सिनाड डियराडला डियङ्ज्ये क्या नङ्गुप ख्रीष्ट येशू नेसुर दाक्पु ति तिवा तेरीकी खला मड ग्येले वे। ३८ तमा दाक्पुला छासे तेन्तेन वे। दाक्पु शेष यिन्सिनाड मिजी यिन्सिनाड, याङ्ना देवाच्येनकी लेन क्योलुप थुतिवा यिन्सिनाड दी जम्बुलिडला ओङ्ज्येन कितुपतिवा यिन्सिनाड, याङ्ना तसाम पेलाकी ताम्डे यिन्सिनाड ज्युकथमाला वुङ्गुप ताम्डे यिन्सिनाड दी जम्बुलिडकी डार यिन्सिनाड, ३६ याङ्ना स ताड नामला वोतुप ओड यिन्सिनाड कोन्छ्योककी ज्ये नङ्गुप जम्बुलिडला वोतुप तेरी च्यालकतिवा काडगी साड डियराडला

ख्रीष्ट येशूला वोतुप कोन्छ्योककी डियङ्ज्ये नेसुर क्येङ्सु तोड मुथुपी।

कोन्छ्योककी इस्राएलला पेन नङ्गुप

६ ड येशू ख्रीष्टकी मी यिन्दुप तप्की ख्यिराडला जिनोक माजोनी टेडबो सिरिन। दी ताम्डे ति कोन्छ्योककी थु चाङ्मा नेमा डे सेमगी पड्बु तेर्किवी। २ती काड यिन सिसिन डे सेमला छासे दुडल ताड सेम्दुक नरी वे। ३डरा यहूदी अच्युनपतिवी थोकला यिन्सिन डला काड मोताप तप्सिनाड, ख्रीष्ट नेसुर क्युन ज्याक्सिनाड डला गा लङ्गिगी। ४तिवा ति इस्राएलकी मीतिवा यिन। कोन्छ्योककी तिवाला खोरो पुज्युड जो नाङ्सुड, खोकी तिवाला खोरे मोवा छ्या तेन्सुड, खोकी तिवी मुला थाक्छ्येवु ताम्डे जो नाङ्सुड, मोशा नेसुर ठिम साड जो नाङ्सुड, खोकी तिवाला यहूदी ल्हडाडला सोवा देकुप ताड थाक्छ्येन नङ्गुप ताम्डे साड तिवाला राड नाङ्सुड। ५ती तिराड मिन, तिवा ति अब्राहाम ताड इसहाक ताड याकूबकी गिपातिवा यिन। येशू ख्रीष्ट साड तिवी गिपा नेमा राड क्येवु यिन। ती येशू ख्रीष्ट ति जम्बुलिड तेरीकी खला चोछ्ये वोतुप कोन्छ्योक यिन। खोला राड नरी सोवा वुङ्शी, आमिन।

६यिने इस्राएलकी मीतिवाला कोन्छ्योककी थाक्छ्येन नङ्गुप सुड ति लम्सुला मागलुप मिन। च्यिलासिसिन इस्राएलला क्येवुतिवा तेरी इस्राएलकी मी मिन, ७अब्राहामकी गिपातिवा साड तेरी वुतुड के कोन्छ्योककी पुज्युड पुम मिन। च्यिलासिसिन कोन्छ्योककी सुडला “इसहाक नेमा च्युङ्गुपतिवा तिराड ख्योरो गिपा यिन सिनी सिवी।” * सिनी सुङ्सुड। ८तीकी तेन्दोक ति अब्राहाम नेसुर च्युङ्गुपतिवा कोन्छ्योककी पुज्युड पुम मिन, यिने कोन्छ्योककी थाक्छ्येन नङ्सिमा क्येवुतिवा तिराड अब्राहामकी गिपा यिन। ९ती कोन्छ्योककी थाक्छ्येन नङ्गुप सुड ति दुकै वे, “त वुङ्गुप लो खोर्मा यीला ड लोकनी वुङ्गुप पेला साराकी पुज्युड यी क्येकितो।” *

१०तोजो तिराड मिन, सारा नेमा क्येवु पुज्युड इसहाककी पेर्मी रिबेकाला साड पुज्युड छेमा क्येसुड। ११-१२यिने पुज्युड छेमा क्येप सिनाड गोमाला कोन्छ्योककी रिबेकाला “ख्योरो पुज्युड छ्ये तीकी छ्युडा तीला शब्ज्यी कितुप डितो।” सिनी थाक्छ्येन नाङ्सुड। तीकी तेन्दोक ति तिवी लाका ल्यामु मेलोवा काड साड माक्यावु पेला मीतिवी लाका ल्यामु नेमा मिन, कोन्छ्योककी नोवाला वोतुप तीला तिराड पेतुप ति छ्या

देन्दुपला खोकी रिबेकाला तुक सिनी सुङ्गुप यिन।* १३कोन्छ्योककी सुडला साड तीकी कोर्ला दुक सिनी टि वे, “याकूबला ति डे डियङ्ज्ये क्यायी, एसावला ति डियङ्मर क्यायी।”*

१४त दाक्पु तीकी कोर्ला काड सिरुप? काड कोन्छ्योक ति मीला ख्ये बेतुप कोन्छ्योक यिन रो? तुकै मिन। १५खोकी मोशाला दुक सुङ्नी वे,

“सुला डे डियङ्ज्ये कितुप नो वे, तीला ड डियङ्ज्ये कितिन।

सुला डे च्यम्बा कितुप नो वे, तीला ड च्यम्बा कितिन।”*

१६तुक क्यानी मी नोवा ताड टेमु क्यानी मिन, यिने कोन्छ्योककी खोरे नोवा नेमा तिराड च्यम्बा गिवी। १७च्यिलासिसिन कोन्छ्योककी सुडला मिश्रकी ग्येल्वु फारोकी कोर्ला साड दुक सिन टि वे, “डे डार ति ख्युरुडला छ्या देन्दुप ताड जम्बुलिङकी मीतिवा तेरीला डे मिङकी थोकला सुड ख्याप्टाक कितुला डे ख्युरुडला ग्येल्वु च्युड च्यितुप यिन।”* १८तुक क्यानी कोन्छ्योककी खोरे च्यम्बा नङ्गुप नोक्यावुतिवी खला च्यम्बा नङ्गिगी, तमा सेम क्योङ्बु जोप नोक्यावुतिवाला सेम क्योङ्बु जो नङ्गिगी।

कोन्छ्योककी नङ्गुप पचर्या ताड च्यम्बा

१९तुकै यिन्सिन “कोन्छ्योककी च्यिला डला क्याने ग्यकिताड? खोकी नोवाला मी मेलोवा सि थुष्किवी?” सिनी ख्यिरा सिवी। २०यिने, ओ मीतिवा, कोन्छ्योकला ख लोकुप ति ख्युरुड सु यिन? ख्युरुडला ज्ये नङ्गुप तीला ख्योरो “डला च्यिला तुक राड जोवु यिन?” सिनी टि मुथुपी। २१काड थली नेक्योक जोप मी तीला थला नुपुप दम्बक नेसुर थली नेक्योक च्यिक ति खक्छ्येवु ताड यम्बा ति अला खक्छ्येवु मेतुप जोप ओड मे रो? २२ती दोके कोन्छ्योककी साड खोरे ओड नेसुर मीतिवाला ना ताङ्नी खोकी पचर्या ताड डार छ्या देन्दुप नोवे, यिने खोकी पचर्या तोङ्गुप नो क्यावु मीतिवी थोकला खो हम क्यानी दे मुथुवी रो? २३तमा खोकी खोरे मोवाकी थोकला गोमाला के च्यम्बा नङ्गुप टडिक क्यावु मीतिवाला छासे मङ्मु वोतुप मोवा छ्या तेन नङ्गिसमा दाक्पी काड सि थुष्किवी? २४खोकी दाक्पुला पेन नङ्गुप पेला यहूदीतिवा नेसुर तिराड मिन, यिने यहूदी मिन्दुप मिरिक यम्बाकी मीतिवा नेसुर साड पेन नङ्गुप यिन। २५होशेकी थेप नाङ्गला कोन्छ्योककी दुक सुङ्नी वे,

“डे मी मिन्दुप मीतिवाला ड ‘डे मीतिवा’ सिनी सिरिनो। तमा डे डियङ्ज्ये माक्यावु मीतिवाला ड ‘डे डियङ्ज्येवु मीतिवा’ सिनी सिरिनो।”

२६ “कनी ख्यिराडला ‘डे मीतिवा मिन’ सिनी सिक्यावे, ते तिवा ‘डोसु वोतुप कोन्छ्योककी पुज्युड पुम यिन’ सिनी सिरिनो।”*

२७ तमा इस्राएलकी मीतिवी कोर्ला कोन्छ्योककी लुङ्तेम्बा यशैयाकी वोरु तेन्नी,

“इस्राएल गिपाकी मीतिवा ग्येम्छो गारीला वोतुप पेमा दोके वोसिनाड यम्बा ते लुनी वोतुपतिवा तिराड पचर्या नेसुर थर्कितो।

२८ दी कोन्छ्योककी सुङ्गुप सुड ति जम्बुलिडला डमु राड क्यानी तेरी छेकिवी।”*

सिनी सिक्यासुड।

२९ ये लुङ् लुङ्तेम्बा यशैयाकी, “दोजो चोछ्येवु कोन्छ्योककी दाक्पी थोक्ला गिपा चेयी माज्यकुप यिन्सिन दाक्पु सदोम ताड गमोराकी मीतिवा दोके ना डिवी।”

सिनी गोमाला के नम्दर शेनी वे।”*

इस्राएलकी मीतिवी तेपा माक्यावु कोर्ला

३० तुक क्यानी दाक्पु काड सिरुप? यहूदी मिन्दुप मिरिक यम्बाकी मीतिवी कोन्छ्योककी ठिमला सिक्यावु दोके माक्यासिनाड खोकी थोङ्दाडला टेङ्बु च्युड वे। ती टेङ्बु ति तेपा क्यावु तप्की च्युङ्गुप यिन। ३१ यिने इस्राएलकी मीतिवी टेङ्बुकी ठिमला सिक्यावु दोके लाका याड क्यासिनाड खोकी थोङ्दाडला टेङ्बु ड्ये माथुप। ३२ च्यिला माथुप्नोक सिसिन, तिवी खोकी थोङ्दाडला टेङ्बु च्युङ्गुप ति लाका ल्यामु क्यानी ड्येकिते नो क्यानी कोन्छ्योकला ति तेपा कितुप नो माक्या। तुक क्यानी तिवा दोला नर्तुक ग्यप्नी तला ग्यप्नी वे। ३३ तीकी कोर्ला कोन्छ्योककी सुडला दुक सिनी टि वे,

“ल्होसा, ड सियोनला नर्तुक ग्यकुप दो दोके मिरा च्यिक ज्योकिनो,

मीतिवा तीला नर्तुक ग्यकितो, यिने तीला तेपा कितुप मीतिवा ति सु साड डोछाला मेख्येलतो।”*

१० अच्युनुपतिवा, ड डे सेमगी दिड नेज्युनी कोन्छ्योकला मोपोर कितुप ति यहूदीतिवा दिक्पा

६:२५-२६ होशे २:२३; १:१० ६:२७-२८ यशैया १०:२२-२३ ६:२६ यशैया १:६
६:३३ यशैया ८:१४; २८:१६

ने थर्शा सिनी यिन। २ड दी ताम्डे ति पड्बु तेरिन। ती ति काड यिन सिसिन, तिवी कोन्छ्योककी थोक्ला ल्यामो क्यानी शब्ज्यी कितुपला गा क्यासुड, यिने चुक क्यानी खोला शब्ज्यी कि गोकिवी सिरुप ति तिवाला हाक्मोकोनोक। ३तिवी कोन्छ्योककी थोड्दाडला टेड्बु ड्येतुप ति हाक्माकोनी खोपे राड टेड्बु कितुप लाका तिराड क्यासिमा खोकी थोड्दाडला टेड्बु ड्येतुपला माड्येन। ४च्यिलासिसिन कोन्छ्योककी ठिमला गोवु तेरी ताम्डेतिवा ख्रीष्टकी छे च्यिसुड। तुक क्यानी सी खोला तेपा किवे, तिवा कोन्छ्योककी थोड्दाडला टेड्बु ड्येकिवी।

थर्वा ति मी तेरीकी थोक्ला यिन

५ठिमला ड्येन्नी कोन्छ्योककी थोड्दाडला टेड्बु ड्येतुपकी कोर्ला ठिमकी थेप नाड्ला मोशाकी “ठिमला ड्येन्दुप मीतिवा ति ती ठिम ड्येन्दुप नेसुर मिजी क्योडिगवी।” सिनी टि वे। * ६यिने तेपा क्यानी कोन्छ्योककी थोड्दाडला टेड्बु ड्येतुप मीतिवी दुक सिनी सिवी, “ख्योरो सेमला ‘सु देवाच्येनला डिवी?’ सिनी मासिर।” (तीकी तेन्दोक ति ख्रीष्टला मर पाम वुड्गुप यिन।) ७“याड्ना ‘सु ड्येलाला

पक्किवी?’ सिनी साड मासिर।” (तीकी तेन्दोक ति ख्रीष्टला शेप ने येर देकुप यिन।) ८यिने तेपा क्यानी कोन्छ्योककी थोड्दाडला टेड्बु ड्येतुप मीतिवी काड सिवी सिसिन “कोन्छ्योककी सुड ति ख्योरो चिप्ला राड वे, ती सुड ति ख्योरो खला वे, तमा ख्योरो सेमला राड वे।” * ती सुड ति ड्यिरा ख्यिराडला ख्याप्टाक क्यावु तेपाकी कोर्ला सिक्यावु सुड यिन। ९दोजो ख्योरो मीतिवी मिड्गाला येथूला चोवो यिन सिनी ख नेमा सिवी, तमा कोन्छ्योककी खोला शेप ने डोसु लड्गुप यिन सिनी सेमला तेपा क्यासिन ख्युरुड दिक्पा ने थर्किवी। १०च्यिलासिसिन सी खोला सेम नेज्युनी तेपा किवे, ती ति कोन्छ्योककी थोड्दाडला टेड्बु ड्येकिवी। सी मीतिवी मिड्गाला खोला तेपा कितिन सिनी सिवे, तीला दिक्पा ने थर ज्यिकिवी। ११तुक क्यानी कोन्छ्योककी सुडला साड दुक सिनी टि वे, “खोला तेपा कितुप मीतिवा सु साड डोछाला मेख्येल्वी।” * १२यहूदी ताड यहूदी मिन्दुप मिरिक यम्बाकी मीतिवी पर्ला काड साड ख्ये मे। कोन्छ्योक ति मी तेरीकी चोवो यिन। खोला रेन्दुपतिवा तेरीला छासे मोलाम थोपकिवी। १३तीकी कोर्ला कोन्छ्योककी सुडला दुक सिनी टि वे, “चोवो

कोन्छ्योकला रेन्दुपतिवा तेरीला खोकी थर ज्यिकिवी।”*

१४ यिने खोला तेपा माक्यावुतिवी याड खोला चुक क्यानी रेन्गिवी रो? तिवी खोकी कोर्ला थोवु साड माथो वे, चुक क्यानी तिवी खोला तेपा कितुपजा? खोकी कोर्ला ख्याप्टाक कितुप मी मेसुड सिसिन चुक क्यानी मीतिवी खोकी सुड थोकिवी रो? १५ तमा सुड ख्याप्टाक कितुप मीतिवा माताडिसन चुक क्यानी खोकी सुड ख्याप्टाक किवी रो? ती तप्की कोन्छ्योककी सुडला “लेन ल्यामु ख्याप्टाक कितुप मीतिवी कोम्बा योपुप ति छासे ल्यामु यिन।” सिनी टि वे।*

१६ यिने तिवी ख्याप्टाक क्यावु लेन ल्यामु थोवु मीतिवा तेरीकी तेपा क्यावु ति मिन। ती तप्की कोन्छ्योककी लुड्तेम्बा यशैयाकी थपला दुक सिनी टि वे, “ओ चोवो, डियरा ख्याप्टाक क्यावु सुडला सी तेपा क्यासुड रो?”* १७ तुक क्यानी तेपा ति कोन्छ्योककी सुड थोसिमा गिवी, तमा ती थोवु सुड ति ख्रीष्टकी सुड नेसुर गिवी। १८ यिने ड ख्यिराडला ताम्डे यी टेयी, काड यहूदीतिवी खोकी सुड माथोवु यिन रो? वुतुड के तिवी खोकी सुड थो वे। च्यिलासिसिन

“कोन्छ्योककी सुड ति जम्बुलिड तेरीला ख्याप्टाक क्या वे,
खोकी सुड ति जम्बुलिडकी अन्तिम सेकला टम वे।”

सिनी कोन्छ्योककी सुडला टि वे।

१९ ये लुड ड ख्यिराडला ताम्डे यी टेयी, काड ती ख्याप्टाक क्यावु सुड ति इस्राएलकी मीतिवी हाक्माको वे रो? मिन, हाक्को वे। तीकी कोर्ला मोशाकी दुक सिक्का वे,

“डे मी मिन्दुप मीतिवा वासिमा ख्यिराडला ड ठतोक कितुप जोयी।

तमा अम्बारडिशड वोतुप मीतिवा वासिमा ख्यिराडला ड डियर्मु कितुप जोयी।”*

२० ती तप्की लुड्तेम्बा यशैयाकी डाडेड क्यानी दुक सिक्का वे,

“डला मोछोलुप मीतिवाला डे ठेसुड,

डला मोलोङ्गुप मीतिवाला साड डे छ्या तेनिन।”*

२१ यिने इस्राएलकी मीतिवी कोर्ला यशैयाकी दुक सिक्का वे,

“ग्यिन्ना वोतुप ताड डे सिक्कावु ताम्डेला मेड्येन्दुप मीतिवी थोक्ला ड डियमी टेड डे लाक्पा क्याडनी वे।”*

१०:१३ योएल २:३२ १०:१५ यशैया ५२:७ १०:१६ यशैया ५३:१

१०:१६ व्यवस्था ३२:२१ १०:२० यशैया ६५:१ १०:२१ यशैया ६५:२

इस्राएलला लुवु मीतिवा

११ तुक क्यानी ड ख्यिराडला टेयिन, “काड कोन्छ्योककी खोरो पेतुप मीतिवाला क्यानी ज्याक्सुड रो?” मिन, वुतुड के खोकी तिवाला नाम्साड क्यानी माज्याक। ड साड अब्राहामकी गिपा यिन, तमा बेन्यामीन मिछाडकी मी यिन। २कोन्छ्योककी तोड नेज्युनी खोकी पेतुप मीतिवाला नाम्साड क्यानी माज्याक। खोकी सुडगी नाड्ला खोकी लुड्तेम्बा एलियाकी कोर्ला काड सिक्या वे ख्यिराडला छ्या मे? खोकी इस्राएलकी मीतिवी तेन्दोकला लानी कोन्छ्योकला दुक सिनी रेन्सुड, ३“ओ चोवो कोन्छ्योक, इस्राएलकी मीतिवी चोवोकी तङ्गुप लुड्तेम्बातिवाला सेसुड। तमा चोवोकी छोठीतिवा साड ज्हम क्यासुड। तिवी पर्ला लुवु ति ड तिराड यिन। डला साड तिवी सेतुपला छोलिन वे।”* ४यिने कोन्छ्योककी एलियाला काड लेन ग्यप्सुड? “ड डरा थोक्ला बाल कुला शावा मिकिवु मी तोड्डा दिन ज्होक्नी ज्याड वे।”* ५तुक क्यानी तसाम साड कोन्छ्योककी कटिन नेसुर पेतुपतिवा लुनी वे। ६दोजो ती मीतिवा लुवु ति खोकी कटिन नेसुर यिन्सिन ती ति तिवी लाका नेसुर मिन, लाका नेसुर यिन्सिन कटिन ति कटिन राड मिन।

७त काड सिरुप? इस्राएलकी मीतिवी कोन्छ्योककी थोड्दाडला टेड्बु च्युङ्गुप छाल्सिनाड टेड्बु च्युड माथुप। यिने खोकी पेतुपतिवा तिराड टेड्बु वोतुप च्युड्सुड। तमा यम्बा लुवुतिवा ति तेरी सेम क्याङ्बु गाल्सुड। ८ती तप्की कोन्छ्योककी सुडला दुक सिनी टि वे,

“कोन्छ्योककी तिवाला काड साड हाक्मोकोवु सेम नडिसमा तसाम सेक तिवा मिककी मोथोङ्गुप ताड नम्ज्योककी साड मोथोवु गल वे।”*

९तमा दाऊदकी दुक सिक्या वे, “तिवी डेन साप च्योकवी ति तोर्वाला ख्येलुप दोके च्युड्शी, तमा नर्तुक ग्यप्नी तला ग्यपुप दोके ताड ड्येन लड्शी। १०तिवी मिक ति डिप्नी थोड मुथुपु डोशी, तमा तिवी क्येल्दाड ति नरी कोकोरोक डोशी।”*

यहूदी मिन्दुप मिरिक यम्बातिवा थरुप

११तुक क्यानी ड येलेड ख्यिराडला टेयिन, काड इस्राएलकी मीतिवा दोला नर्तुक ग्यप्नी तला ग्यप्सिमा लड मुथुपी रो? वुतुड के तुकै मिन।

११:३ १ राजा १६:१०, १४ ११:४ १ राजा १६:१८

११:८ व्यवस्था २६:४; यशैया २६:१० ११:१० भजन ६६:२२-२३

इसाएलकी मीतिवी येशूला तेपा माक्यानी लाका दुक्टा क्यासिमा यहूदी मिन्दुप मिरिक यम्बाकी मीतिवी तेपा क्यावु तप्की तिवा दिक्पा ने थर्नी वे। ती थोङ्नी इसाएलकी मीतिवा ठतोक लानी खोला तेपा किशी सिरुप ति कोन्छ्योककी नोवा यिन। १२ इसाएलकी मीतिवी लाका दुक्टा क्यासिमा मोलाम ति जम्बुलिङकी मीतिवाला थोप्सुङ। तमा तिवा लम्सुला मागलुप मोलाम ति यहूदी मिन्दुप मिरिक यम्बाकी मीतिवाला थोप्सुङ सिंसिन तेरी इसाएलकी मीतिवी तेपा क्यासियाङ तिवाला मङ छासे मोलाम थोप्किवी।

१३ दी ताम्डे ति ड ख्यिराङ यहूदी मिन्दुप मिरिक यम्बाकी मीतिवाला सिरिन, कोन्छ्योककी डला मिरिक यम्बाकी मीतिवी थोक्ला लोमा छ्ये च्युङ्गुपला पेन नङ्गुप तप्की कोन्छ्योककी डला नङ्गुप लाकाला ड छासे तेके कितिन। १४ मिरिक यम्बाकी मीतिवी थोक्ला यहूदीतिवी पर्ने मी ललाइ ठतोक लानी कोन्छ्योककी थाकाला लोकनी थर्वा इयेशी सिरुप ति डे रेवा यिन। १५ च्यिलासिसिन कोन्छ्योककी यहूदीतिवाला क्युर्नी ज्याक्सिमा जम्बुलिङकी मीतिवा कोन्छ्योककी मुला तम्जी ल्यामु च्युङ्गिगी सिंसिन, कोन्छ्योककी तिवाला सेमला

लासियाङ मङ तिवाला शेप ने थरुप मिजी मोथोपी रो? १६ ड ख्यिराङला यहूदीतिवी थोक्ला पे यी शेतिन। दोजो टम्दोक इयेतुप पेला कोन्छ्योकला बुलुप फी ति चाङ्मा वोसिन तेरी टम्दोक साङ चाङ्मा डिवी। तुक राङ क्यानी दोङ्बी मर ल्यामु^१ क्याङ्सिन तेरी येल्लातिवा साङ ल्यामु डिवी।

१७ दोजो नाटुङ वुङगी जैतुन दोङ्बी येल्ला च्येनी वुतुङ्की जैतुन दोङ्बी येल्ला च्येतुप दासाला थिसुङ सिंसिन ती नाटुङ वुङगी जैतुन दोङ्बी येल्लाला ख्वो वानी डेलु गोर्किवी। १८ तुक क्यानी ख्यिराङ नाटुङ वुङगी जैतुन दोङ्बु दोके वोतुप यहूदी मिन्दुप मिरिक यम्बाकी मीतिवा वुतुङ्की जैतुन दोङ्बु दोके यिन्दुप यहूदीतिवाला डिङ्गुमर माकी, च्यिलासिसिन दोङ्बुला टेकाम तेरुप ति येल्ला मिन, मर यिन। १९ तमा ख्यिराङ यहूदी मिन्दुप मिरिक यम्बाकी मीतिवी दुक सिवी, “वुतुङ्की जैतुन दोङ्बी येल्ला च्येतुप ति डिङ्गुराङ नाटुङ वुङगी जैतुन दोङ्बी येल्लाला थितुपला यिन।” २० ती ताम्डे ति टेङ्बु राङ यिन। यहूदीतिवी तेपा माक्यावु तप्की वुतुङ्की जैतुन दोङ्बी येल्लातिवा च्येतुप दोके गलुप यिन। यिने ख्यिराङ ति तेपा क्यावु तप्की वुतुङ्की जैतुन दोङ्बुला थितुप दोके यिन। तुक क्यानी ख्यिराङ डराङ यिन सिनी अम्बारङ्गिङ माकी, यिने

ज्यिवा कयानी दे। ^{२१}च्यिलासिसिन कोन्छ्योककी वुतुङ्की जैतुन दोङ्बी येल्लातिवा साड माज्याक्सुड सिसिन ख्यिराड नाठुड वुडगी जैतुनकी येल्ला यिन्दुपतिवाला याड काडगी ज्योकुप्जा।

^{२२}तुक कयानी कोन्छ्योक ति च्यड्च्यु सेम्बा वोतुप ताड पचर्या तोङ्गुप कोन्छ्योक यिन सिनी नासाम तोड। ल्होसा, कोन्छ्योककी कला मुयुकुपतिवाला खोकी पचर्या तोङ्गिगी। खोला नरी मोवा कितुपतिवाला खोकी च्यम्बा क्या नङ्गिगी। मिसियाड ख्यिराड साड दोङ्बी येल्ला दोके च्येनी क्युर्कितो। ^{२३}यहूदीतिवा कोन्छ्योकला तेपा माक्यावु तप्की दोङ्बी येल्ला दोके च्येनी क्युर्सुड, यिने दोजो यहूदीतिवा खोला तेपा किवी सिसिन येलुड खोकी तिवाला वुतुङ्की दोङ्बुला थि थुप्किवी। ती तेरी येलुड क्या नङ्गुप ओड ति कोन्छ्योकला वे। ^{२४}ख्युरुड नाठुड वुडगी जैतुनकी दोङ्बु ल्यामु मेसिनाड च्येनी वुतुङ्की जैतुन दोङ्बी येल्लाला थिसिन गोमाला वुतुङ्की जैतुन दोङ्बी येल्ला ति वुतुङ्की जैतुनकी दोङ्बुला थितुप मड जोल्हमु गिवी।

इसाएलकी मीतिवा तेरी थरुप

^{२५}अच्युनुपतिवा, ख्यिराड अम्बारडिशड कयानी खुरुड राड

रिक्पा वोतुप यिन सिनी नो मिकिशी सिनी इस्राएलकी मीतिवी कोर्ला छ्याकला वोतुप कोन्छ्योककी नोवा ति ड ख्यिराडला सिरिन। ती ति काड यिन सिसिन, कोन्छ्योककी पेतुप यहूदी मिन्दुप मिरिक यम्बाकी मीतिवा अड्टड तेरी माछेवा सेक्ला इस्राएलकी मीतिवी नाड्ला चेयीकी सेम ति क्योड्बु डिवी। ^{२६}तुक राड कयानी तेरी इस्राएलकी मीतिवा दिक्पा ने थर्किवी। तीकी कोर्ला कोन्छ्योककी सुडला दुक सिनी टि वे,

“दिक्पा ने थर ज्यितुप मिरा च्यिक सियोन नेमा गिवी, तमा खोकी याकूबकी गिपाला वोतुप दुकटातिवाला थेन्नी क्युर्किवी।”*

^{२७}येलुड खोकी सुङ्गिगी,
“डे तिवी मुला थाक्छ्येवु ताम्डे ति दी यिन।
ड तिवी दिक्पातिवा तेरी ता ज्यितिन।”*

^{२८}लेन ल्यामुला तेपा माक्यावु तप्की यहूदीतिवा कोन्छ्योक ताड मुला डला गलुप यिन। तुक क्यासिमा ख्यिराड यहूदी मिन्दुप मिरिक यम्बातिवाला ति खोकी लेन ल्यामु इयेन्दुप इयेसुड। यिन्सिनाड यहूदीतिवा ति तिवी हङ्गावी छ्योक नेसुर कोन्छ्योककी पेनी डियङ्ज्ये क्या नङ्गुप गिपा

यिन। २६ च्यिलासिसिन कोन्छ्योककी मीतिवाला ड्येम्बा नङ्गुप ति नाम्साड लोकनी मेफेपी। तमा खोरे पेतुपतिवाला नाम्साड क्युर्नी साड मोज्योकिवी। ३० गोमाला याड ख्यिराड यहूदी मिन्दुप मिरिक यम्बाकी मीतिवा कोन्छ्योककी खला माङ्येन्दुप यिन, यिने त याड यहूदीतिवी कोन्छ्योककी खला माङ्येन्दुप तप्की ख्यिराडला च्यम्बा ड्येनी वे। ३१ तुक राड क्यानी तन्दा खोकी कला माङ्येन्दुप यहूदीतिवी ख्यिराडला खोकी च्यम्बा नङ्गुप थोडिसमा ती च्यम्बा ति खोप्राडला साड थोप्शी सिनी ज्युक्ला खोकी कला ड्येन्दुप डिवी। ३२ च्यिलासिसिन कोन्छ्योककी च्यम्बा ति तेरी मीतिवाला थोप्शी सिनी खोकी तिवाला खोरे खला मेङ्येन्दुप जो नड वे।

कोन्छ्योकला सोवा देकुप

३३ ए कोन्छ्योककी रिक्पा ताड येन्देन ति छासे ग्यक्चे वे! खोकी तेन्तेन क्यानी छ्या तेन नङ्गुप लाम ति सी साड हाक्को मुथुपी। तुक क्यानी कोन्छ्योककी सुडला दुक् सिनी टि वे,

३४ “कोन्छ्योककी नोवा ति सी हाक्को थुप्किवी रो?

याङ्ना खोला टोङ्गु तेरुप ति सु यिन रो?”*

३५ “सी कोन्छ्योकला छ्यक्तक बिन्दुप तप्की खोकी तीकी तेन्दोकला लोकनी तेर गोवु वे रो?”*

३६ जम्बुलिडला वोतुप तेरी च्यालकतिवा खोकी राड ज्ये नङ्गुप यिन। ती तेरी खो नेसुर राड खोकी थोक्ला यिन। तुक क्यानी खोला राड नरीकी नरी मोवा वुङ्शी। आमिन।

कोन्छ्योकला गा लङ्गुप चाड्मा वोतुप बुल्वा

१२ तुक क्यानी अच्युनुपतिवा, च्यम्बा वोतुप कोन्छ्योक नेसुर ड ख्यिराडला ठाकुरे सिरिन। ख्यिरा दाक दाक्पी मिजी ति कोन्छ्योकला गा लङ्गुप ताड चाड्मा वोतुप जिन्बा पुल। तुक क्यावु ति ख्यिरा सेमगी दिड नेज्युनी खोला सोवा तेकुप यिन। २ तमा दी जम्बुलिडकी किताड नालुला येनी मादे, यिने रडगी सेम ति सम्बा फोनी ख्यिरा थोक्ला कोन्छ्योककी नोवाला ल्यामु वोतुप ति काड यिन, चुक क्यानी खोला गा लोङ्गुप, चुक क्यानी खोकी नोवा दोके क्यानी मिजी क्योङ्गुप, ती तेरी हाक्कोवा की।

३ कोन्छ्योककी डला नङ्गुप कटिन नेसुर ड ख्यिराड रे रेला ठाकुरे सिनी गोड्बा शोयी। ख्यिराड छ्युडा यिन्सिनाड, खुरुड राड छ्ये यिन

सिनी सु साड नासाम मातोड। यिने कोन्छ्योककी ख्यिराडला चो तेपा नड वे, ती ति ल्यामो हाक्कोनी ती दोके मिजी क्योड। ४ दाक्पी जुला येन्लकतिवा बडी वोसिनाड तेरी येन्लकतिवी ति लाका कुतुक कुतुक गिवी। ५ ती दोके दाक्पु बडी वोसिनाड स्त्रीष्ट ताड मुला च्यिक्पा राड जोवु तप्की जु ति च्यिक राड यिन। तमा दाक्पु रे रे च्यिक ताड च्यिककी येन्लकतिवा यिन। ६ तुक क्यानी कोन्छ्योककी दाक्पुला कटिन नेमा नड्गुप ड्येम्बा साड कुतुक कुतुक वे। दोजो खोकी दाक्पुला नड्गुप ड्येम्बा ति लुङ्तेम्बाकी लाका यिन्सिन कोन्छ्योककी दाक्पुला नड्गुप तेपाकी ओड नेसुर लुङ्तेम्बाकी लाका कि गोकिवी ७ शब्ज्यी कितुप यिन्सिन ल्यामु क्यानी शब्ज्यी कि गोकिवी। मीला लाप्नी तेरुप यिन्सिन ल्यामु क्यानी लाम तेरुप लाका कि गोकिवी। ८ मीला टोङ्गु तेरुप यिन्सिन ल्यामु क्यानी टोङ्गु तेरुप लाका कि गोकिवी। बुल्दिर ग्यकुप यिन्सिन सेमगी दिड नेज्युनी बुल्दिर ग्यक गोकिवी। ग्येला कितुप यिन्सिन टेमु क्यानी ग्येला कि गोकिवी। च्यम्बा कितुप यिन्सिन गा ताड क्यानी च्यम्बा कितुप छ्या देन गोकिवी।

च्यिककी च्यिकला ड्यिङ्ज्ये कितुप

९ ख्यिराड मी यम्बाला ड्यिङ्ज्ये कितुप ति मीला छ्या देन्दुपला तिराड

माकी। चुका ति दुक्टा नोके तीला ति ड्यिङ्मर की, चुका ति ल्यामु नोके तीला राड शु। १० च्यिककी च्यिकला अच्युनुप दोके क्यानी ड्यिङ्ज्ये की। रडला सिनाड मी यम्बाला मड ताड्देन की। ११ हुर्ताक कितुपला तिड छ्येनी मादे, यिने कोन्छ्योककी थु चाड्माकी ओड नेसुर वुङ्गुप नासाम ताङ्नी कोन्छ्योककी थोक्ला शब्ज्यी पुल। १२ कोन्छ्योककी ख्यिराडला नड्गुप रेवाला ख्यिराड लोदिमु क्यानी दे, छेटाडला ख्येलुप पेला हम क्यानी दे, नरी कोन्छ्योकला मोपोर की। १३ कोन्छ्योकला तेपा कितुप मीतिवा कतुकारला ख्येल वोसिन तिवाला दाल्जा किटे की। खोरो खाड्बाला वावु डेन्बुतिवाला गासो शु।

१४ ख्यिराडला छेटाड तेरुप मीतिवाला मोताप मादेप, तिवाला मोलाम बिन। १५ गा कितुपतिवी मुला गा की, सेम्दुक कितुपतिवी मुला सेम्दुक की। १६ तेरीकी मुला सेम च्यिक राड जोनी थिन्नी दे, अम्बारडिशड माकी, यिने मी ड्याम्ह्युडतिवी दला शु। नाम्साड ड राड येन्देन वोतुप यिन सिनी नो माकी।

१७ सी ख्यिराडला मेलोवा किवे, तिवाला इयेन मलाड। चुका ताम्डे ति तेरी मीतिवी थोङ्दाडला ल्यामु नोके, तीला राड नासाम तोड। १८ दे थुप्सिन मी तेरी ताड मुला डिक्नी दे। १९ डे ड्यिङ्ज्येवु अच्युनुपतिवा, ख्यिरा नाम्साड मीला इयेन मालाड,

यिने कोन्छ्योककी लकला चेक ते।
च्यिलासिसिन कोन्छ्योककी सुडला
“इयेन लङ्गुप ति ड राड यिन, ड राड
इयेन लङ्गिन।” सिनी टि वे।* २० बोरु

“ख्योरो डतिवा ल्होवा लान
वोसिन तिवाला समा बिन,
कोम्बा लान वोसिन तिवाला
थुङ्गुप छ्यु बिन।

तुक क्यासिन तिवी गोला मेताक
छेन्दी पुवु दोके क्यानी ख्योरो
डतिवा डोछाला ख्येल्विगी।”

सिनी टि वे।*

२१ दुक्टाकी ख्योरो खला ग्येल
माज्यी, यिने ख्यिराड लाका ल्यामु
क्यानी दुक्टाकी खला ग्येला की।

ओङ्ज्येन कितुपतिवी ओडला देतुप

१३ तेरी मीतिवा लुङ्बाकी
ओङ्ज्येन कितुपतिवी
ओडला देशी। च्यिलासिसिन
कोन्छ्योक नेमा वावु ओङ्ज्येन मिसिन
यम्बा सी साड ओङ्ज्येन कितुप
मेङ्ग्येवी। तिवा कोन्छ्योककी राड पेन
नङ्गुप यिन। २तुक क्यानी लुङ्बाला
ओङ्ज्येन कितुपतिवी तेन्दोकला
लङ्गुप तीकी कोन्छ्योककी पेतुप
मीतिवी तेन्दोकला लङ्गुप यिन।
तिवाला कोन्छ्योककी पर्च्या
तोङ्गिगी। ३च्यिलासिसिन तुका
लाका टेड्बु कितुपतिवा ओङ्ज्येन
कितुपतिवाला ज्यिवा कितुप मिन, यिने

लाका दुक्टा कितुपतिवा ओङ्ज्येन
कितुपतिवाला ज्यिवा किवी। काड
ख्युरुड ओङ्ज्येन कितुपतिवाला
ज्यिवा किवी? तुकै यिन्सिन ख्युरुड
तिवी ओडला देनी लाका टेड्बु की।
तमा तिवी ख्युरुडला ताङ्गदेन किवी।
४च्यिलासिसिन ओङ्ज्येन कितुप
मीतिवा ख्युरुडला ल्यामु च्युङ्शी
सिनी कोन्छ्योकला शब्ज्यी कितुप
मीतिवा यिन। यिने दोजो ख्युरुड दुक्टा
किवी सिसिन ख्युरुड तिवाला ज्यिवा
कि गोकिवी। तीकी तेन्दा मेताला खुर्पा
मेजेर्वी, लाका दुक्टा कितुपतिवाला
पर्च्या तोङ्गुप कोन्छ्योकला शब्ज्यी
कितुप मीतिवा यिन। ५तुक क्यानी
ख्यिराड कोन्छ्योककी पर्च्या नेसुर
ज्होकुपला तिराड मिन, यिने सेमगी
दिङ् नेज्युनी नासाम ताङ्नी ओङ्ज्येन
कितुपतिवी ओडला दे गोकिवी। ६ती
तप्की ख्यिरा तिवाला से ते गोकिवी,
च्यिलासिसिन तिवा तीकी थोक्ला नरी
कोन्छ्योकला शब्ज्यी कितुप मीतिवा
यिन। ७ती तप्की ख्यिरा ते गोवु काड
रे च्यिक रे वोसिन ते। ते गोवु सेतिवा
ते। ज्यिवा कि गोवुतिवाला ज्यिवा की।
ताङ्गदेन कि गोवुतिवाला ताङ्गदेन की।

ड्यिङ्ज्ये कितुप ति तेरी क
छे ज्यितुप यिन

८ख्यिराड च्यिककी च्यिकला
ड्यिङ्ज्ये कितुप ति मिसिन यम्बा

सी मुला साड छ्यावा मालाड। च्यिककी च्यिकला डियङ्ज्ये कितुप ति मोशाकी ठिमला वोतुप कला सिक्वावु तेरी छे ज्यितुप यिन। ६ति ठिम नाङ्ला “ख्योरो शम्डेन माकी, मी मासे, कुन माकी, देर्पा माकी।” सिनी टिवु कतिवा ताड यम्बा कतिवा तेरीकी खक्छ्येवु तेन्दोक ति “रङ्गी युल्वातिवाला रङ्ला दोके डियङ्ज्ये की।” सिक्वावु क ताड मुला च्यिकपा राड वे। १०ख्योरो सेमला डियङ्ज्ये वोसिन ख्योरो युल्वातिवाला साड मेलोवा मिकिवी। ती तप्की डियङ्ज्ये कितुप ति ठिमला वोतुप कतिवा तेरी छे ज्यितुप यिन।

११दी ताम्डे ति नासाम तोड। तसाम पेला चुका तुजे यिन सिरुप ति ख्यिराङ्ला छ्या राड वे। त याड डियलोकुप ने लङ्गुप तुजे यिन। च्यिलासिसिन दाक्पु गोमाला तेपा क्यावु पेला सिनाड तसाम पेला मड दाक्पुला दिक्पा ने थरुप ति चिप्ला राड वे। १२त याड नुप गल सिन्नी नाम लङ्गुप छाल्सुड। तुक क्यानी दाक्पु नक्तोमीला कितुप लाका दुक्टा क्युर्नी ठछ्येलीला लाका टेङ्बु कितुपला कोन्छ्योककी नङ्गुप लाक्च्ये खुर्नी यु। १३तमा डियमी गुडला युक्पु दोके मिजी टेङ्बु क्योङ्गुप। ड्याम तोङ्गुप ताड छ्याङ्गोले कितुप ताड शम्डेन कितुप ताड छ्येवु कितुप ताड थमु ग्यकुप ताड ठतोक कितुप माकी। १४यिने ख्यिराड काड क्यासिनाड

चोवो येशू ख्रीष्टकी दोके की, तमा दिक्पा कितुप जुकी किताड नालुला वोतुप नासाम मेलोवा मातोड।

अच्युनुपतिवाला क्येन तेरुप मेवु

१४ तेपा रम्बु मेतुपतिवाला साड नासाम तङ्नी ल्यामु की। तिवी ताम्डेला क्येन ग्यकुप ति माकी। २ललाइ मीतिवी साप समातिवा तेरी साप गिवी सिनी तेपा किवी, यिने तेपा रम्बु मेतुपतिवा ललाइकी डोछेलतिवा तिराड साप गिवी सिनी तेपा किवी। ३तुक क्यानी सापतिवी मासावुतिवाला मारे मातोड। मासावुतिवी साड सापतिवाला क्येन मातेर। च्यिलासिसिन कोन्छ्योककी तिवाला पेन नङ्गुप यिन। ४मी यम्बी लावाला ठिम कितुप ति ख्युरुड सु यिन? तीकी ज्यिन्दाककी राड सु ल्यामु यिन, सु मेलोवा यिन सिनी तीला ठिम क्या नङ्गिगी। तीकी ज्यिन्दाककी राड तीला दाल्जा क्या नङ्गिगी।

५तमा ललाइ मीतिवी डियमा च्यिक ति डियमा यम्बा सिनाड खक्छ्येवु यिन सिनी नासाम तोङ्गिगी, यिने मी यम्बातिवी तेरी डियमा ति च्यिकपा राड यिन सिनी नासाम तोङ्गिगी। तुक क्यानी तेरी मीतिवा दाक दाक्पी तेपा क्यावु ताम्डेला तेन्तेन कि गोकिवी। ६चुका मी तीकी डियमा च्यिकला ति खक्छ्येवु यिन सिनी तेन्गिगे, तीकी चोवो कोन्छ्योककी थोक्ला

राड तेन्गिबी। तमा चुका मी तीकी श सेवे, तीकी कोन्छ्योककी थोकला राड सेवी। च्यिलासिसिन तीकी कोन्छ्योकला थुचिछे पुलनी सेवी। चुका मी तीकी श मासावे, तीकी साड कोन्छ्योककी थोकला राड मासावी। तमा कोन्छ्योकला थुचिछे बुल्गिबी।^७दाक्पु सु साड रडगी थोकला तिराड दी जम्बुलिडला सेन्बु मुलुवी, तमा रडगी थोकला तिराड मिशिबी।^८तुक क्यानी दाक्पु मिजी क्योडिसनाड कोन्छ्योककी थोकला राड क्योड गोकिवी, शि गोसिनाड कोन्छ्योककी थोकला राड शि गोकिवी। तुक क्यानी दाक्पु शिसिनाड सेन्बु देसिनाड चोवोकी तिराड यिन।^९ख्रीष्ट साड तीकी तेन्दोकला राड टुङ्नी डोसु लासुड। तुक क्यानी ख्रीष्ट ति शेष ताड डोसु वोतुपतिवा डियकरकी चोवो च्युड्सुड।

^{१०}ख्युरुड च्यिला ख्योरो अच्युनुपतिवाला क्येन तेर्किवी? याड्ना ख्योरो अच्युनुपतिवाला च्यिला मो बेष्किवी? दाक्पु तेरी डियम्जियक कोन्छ्योककी ठिम तोङ्गुप दासाला थेड्मा यी लाड राड गोकिवी।^{११}ती तप्की कोन्छ्योककी सुडला दुक सिनी टि वे,

“चोवो कोन्छ्योककी दुक सुडिगवी,

ड डोसु वोतुप कोन्छ्योक यिन।

तुक क्यानी तेरी मीतिवा डे दोड्ला पुमुड सला जुकिवी। तमा तेरी मीतिवी डला राड कोन्छ्योक यिन सिनी सोवा देकिवी।”*

^{१२}तुक क्यानी दाक्पु मिरा रे रेकी रडगी काड काड क्यावे ती तेरी कोन्छ्योकला छ्या देन गोकिवी।

यम्बाला मेलोवा डोप लाका माकी

^{१३}ती तप्की दाक्पु तफेन्ला च्यिककी च्यिकला क्येन मातेर। बोरु रडगी अच्युनुपतिवा युक्पु लामला नर्तुक ग्यकुप ताम्डे लपुप ताड तिवाला तोक्स छोकुप ताम्डे मालाप सिनी तेन्तेन कितुप।^{१४}चोवो येशूला तेपा क्यावु तप्की दी ताम्डे ति डला तेन्तेन वे। साप समा ति चुका तिड मेचेङ्गा मेवी, यिने चुका तीकी तीला मेचेङ्गा यिन सिनी नासाम तोङ्गिगे, तीकी थोकला मेचेङ्गा राड डिवी।^{१५}दोजो ख्योरो सोवु समाकी ख्योरो अच्युनुपकी सेमला मेलोवा जेवी सिसिन ख्युरुड तिवाला डियड्ज्ये माक्यावु यिन। तुक क्यानी ख्योरो सोवु समाकी ख्योरो अच्युनुपतिवाला मेलोवा मातोड। च्यिलासिसिन येशू ख्रीष्ट तिबी थोकला टुङ्गुप यिन।^{१६}ख्योरो क्यावु लाका ल्यामुला मी यम्बी मेलोवा सिनी क्येन मेतेर्शी।^{१७}च्यिलासिसिन कोन्छ्योककी

ग्येल्खाप ति साप ताड थुङ्गुपकी थोक्ला मिन, खोकी थु चाङ्माकी ओडला खोकी थोङ्दाडला टेङ्बु वोतुप ताड लोदिमु ताड सेम किर्मुकी थोक्ला यिन। १८ चुका मी तीकी तुका लाका क्यानी ख्रीष्टला शब्ज्यी बुल्लिगे, तीकी कोन्छ्योकला गा लोङ्गुप लाका किवी, तमा मीतिवी साड तीला ल्यामु सिनी चिताड किवी।

१९ ती तप्की दाक्पु च्यिककी च्यिकला लोदिमु तेरुप ताड च्यिककी च्यिकला रम्बु जोपला दाल्जा किटे कि गोकिवी। २० साप समी थोक्ला कोन्छ्योककी क्या नङ्गुप लाकाला ना मातोड। साप समातिवा तेरी चेङ्गा राड यिन। यिने चुका समा सोसिमा मी यम्बाला मेलोवा जेवे, ती समा साप ति मेलोवा यिन। २१ श साप ताड गुन्दुम छ्याड थुङ्गुप ताड यम्बा लाका काड क्यासिनाड ती लाका क्यावु तप्की मी यम्बाला मेलोवा जेवी सिंसिन, तुक माक्यावु राड ल्यामु यिन। २२ ख्योरो सेमला काड तेपा क्यासिनाड ती ति कोन्छ्योक ताड ख्योरो पर्ला तिराड ज्योक। खोरो सेमला शरुप दोके क्यानी रडला राड क्येन मेतेरुप मी तीला मोलाम थोप्किवी। २३ यिने मी ललाइकी सेमला नाम्दोक क्यानी काड रे च्यिक रे सोसुड सिंसिन तीला क्येन फोकिवी। च्यिलासिसिन तीकी साप ति तेपा नेसुर वावु मिन।

तेपा माक्यानी क्यावु लाकातिवा तेरी दिक्पा यिन।

मी यम्बाला गा लोङ्गुप

१५ दाक्पु तेपा रम्बु वोतुपतिवी तेपा रम्बु मेतुपतिवी नोरुप लाका क्यासिनाड तिवाला हम क्यानी दे गोकिवी। दाक्पु तिराड गा कितुप लाका माकी। २ दाक्पु तेरीकी मी यम्बातिवी तेपा रम्बु जोपला ल्यामु क्यानी तिवाला गा लङ्गुप लाका कितुप। ३ च्यिलासिसिन ख्रीष्टकी साड खोरुड तिराड गा माक्या। ती तप्की कोन्छ्योककी सुडला दुक सिनी टि वे, “चोवोकी तेन्दोकला लानी बिन्दुप क्येन ति तन्दा डला फोक्सुड।” * ४ तुक क्यानी तोडला कोन्छ्योककी सुडला टिवु ताम्डेतिवा दाक्पी थोक्ला येन्देन तेरुप च्युड वे। ती सुडगी नाडला वोतुप हम क्यानी देतुप ताड टोङ्गु नेसुर दाक्पुला रेवा ड्येकिवी। ५ ती दाक्पुला हम क्यानी दे थुपुप ताड टोङ्गु नङ्गुप कोन्छ्योककी ख्यिराड तेरीला येशू ख्रीष्टकी क्यावु दोके च्यिककी च्यिकला सेम थिन्नी मिजी क्योङ्गुपला दाल्जा किटे किशी। ६ तमा ख्यिराड तेरी सेम च्यिकपा राड च्युङ्गुप ताड ख च्यिक क्यानी दाक्पी चोवो येशू ख्रीष्टकी पपा कोन्छ्योकला सोवा देक थुप्शी।

७तुक क्यानी येशू ख्रीष्टकी कोन्छ्योकला मोवा कितुप थोकला ख्यिराडला सेमला लावु दोके ख्यिरा साड च्यिककी च्यिकला सेमला लड गोकिवी। ८ड ख्यिराडला सिरिन, येशू ख्रीष्टकी कोन्छ्योक टेड्बु वोतुप छ्या देन्दुपला लावा दोके क्यानी दी जम्बुलिडला फेप्नी च्येतुप लुकसु क्यावु यहूदीतिवाला शब्ज्यी क्यासुड। तुक क्यासिमा कोन्छ्योककी दाक्पी पगावा हङ्गावाला थाक्छ्येन नङ्गुप पड्बु ति छ्या तेन्सुड। ९तमा यहूदी मिन्दुप मिरिक यम्बाकी मीतिवी खोकी नङ्गुप च्यम्बाकी थोकला खोला मोवा क्यासुड। ती तप्की कोन्छ्योककी सुडला दुक सिनी टि वे,

“तुक क्यानी यहूदी मिन्दुप मिरिक यम्बाकी मीतिवी पर्ला ड ख्युरुडला सोवा देकिन।

तमा ड ख्योरे मिडला सोवा देकुप लु लड्यिन।”*

१०येलुड दुक सिनी साड टि वे,

“ओ यहूदी मिन्दुप मिरिक यम्बाकी मीतिवा, खोकी मीतिवी मुला गा की।”*

११तमा येलुड,

“ओ तेरी यहूदी मिन्दुप मिरिक यम्बाकी मीतिवा, कोन्छ्योकला सोवा तेक,

तमा तेरी मीतिवी साड खोला राड सोवा देक्शी।”*

१२येलुड कोन्छ्योककी लुड्तेम्बा यशैयाकी दुक सिनी टि वे,

“यिशैकी गिपा नेसुर मिरा च्यिक फेप्नी यहूदी मिन्दुप मिरिक यम्बाकी मीतिवाला ओड्ज्येन क्या नङ्गिगी, तमा यहूदी मिन्दुप मिरिक यम्बाकी मीतिवी खोला रेवा किवी।”*

१३ख्यिराडला रेवा नङ्गुप कोन्छ्योककी ख्यिरा क्यावु तेपाकी थोकला गा ताड लोदिमु तेरी नङ्गी। तमा ख्यिराड खोकी थु चाङ्माकी ओडला मड मड रेवा क्यानी दे थुप्शी।

पावलकी मिरिक यम्बातिवाला शब्ज्यी क्यावु

१४डे अच्युनपतिवा, ख्यिराड रडला राड मी यम्बाला ल्यामु कितुप ताड गोवु तेरी येन्देन वोतुप ताड च्यिककी च्यिकला टोङ्गु तेर थुपुप गल वे सिरुप ति डला तेन्तेन वे। १५यिने ड ख्यिराडला छासे डाडेड क्यानी माङ्शोक ताम्डेतिवा येलुड नासाम शर ज्यितुपला दी यिकी टिवु यिनो। १६कोन्छ्योककी डला नङ्गुप कटिनकी जोसालेन्सिन ड ति येशू ख्रीष्टकी थोकला शब्ज्यी बुलुप मी

च्युङ्नी यहूदी मिन्दुप मिरिक यम्बाकी मीतिवाला लेन ल्यामु ख्याप्टाक कितुप कोङ्ग्यारकी लाकातिवा कितुपला पेन नङ्गुप यिन। तुक क्यानी यहूदी मिन्दुप मिरिक यम्बाकी मीतिवा साड खोकी थु चाङ्माकी ओडला टेङ्बु च्युङ्नी खोला गा लङ्गुप बुल्वा च्युङ् थुप्शी। १७ती तप्की ड ति येशू ख्रीष्टकी ओडला देनी कोन्छ्योकला शब्ज्यी बुलुप लाका कितुपला छासे तेके कितिन। १८येशू ख्रीष्टकी डे मिजी नेमा यहूदी मिन्दुप मिरिक यम्बाकी मीतिवाला खला ड्येमु जोपला काड क्या नाङ्वे, ती तिराड मिसिन यम्बा काड साड ताम्डे लपुप डाडेड मिकी। ती लाका ति डे ख्याप्टाक क्यावु सुड ताड डे क्यावु लाका ताड, १९ततिवा ताड हलेवु लाकाकी ओड ताड, कोन्छ्योककी थु चाङ्माकी ओड नेसुर क्यावु यिन। तुक क्यानी येशू ख्रीष्टकी लेन ल्यामु ति यरूशलेम नेज्युनी इल्लुरिकन सेक तेरी दासाला डे ख्याप्टाक क्यायी। २०मी यम्बी कोन्छ्योककी लेन ल्यामु ख्याप्टाक क्यावु दासाला येलुड ख्याप्टाक कितुपला डे नो माक्या, यिने सी साड कोन्छ्योककी लेन ल्यामु ख्याप्टाक माक्यावु दासाला तिराड ख्याप्टाक कितुप ति डे नोवा वे। २१तीकी कोर्ला कोन्छ्योककी सुडला दुक सिनी टि वे,

“खोकी कोर्ला सी साड सि माक्यासिनाड तिवी खोला थोङ्गिवा, तमा खोकी कोर्ला माथोवु मीतिवी खोकी कोर्ला हाक्कोकिवी।”*

पावल रोमला डोप नोक्यावु

२२तुक क्यानी ड ख्यिरा ते वुङ्गुपला थेङ्मा बडी क्येक्नी वे। २३त याड दी दासाला कोन्छ्योककी थोक्ला डे कि गोवु लाका काड साड मेतुप ताड लो अला गोमा नेज्युनी ड ख्यिरा ते वुङ्गुप नो वोतुप तप्की २४ड स्पेनला डोप पेला ख्यिराडला साड ठेनी ख्यिरा मुला चेयी पर सेक लोदिमु कितुप नो क्यायी। तमा ड स्पेनला डोप पेला ख्यिरा डला दाल्जा किवी सिरुप ति डला रेवा वे। २५यिने त याड ड कोन्छ्योकला तेपा कितुप अच्युनुपतिवाला दाल्जा किटे कितुपला यरूशलेमला डोयी वे। २६च्यिलासिसिन यरूशलेमला वोतुप तेपा कितुप मी पेराङ्बुतिवी थोक्ला माकेडोनिया ताड अखैयाकी तेपा कितुप मीतिवी गा ताड क्यानी टङ्गा चेयी दुम्नी कल ताड वे। २७ती टङ्गा ति तिवी सेम्बा सेमगी दुम्नी ज्याक्नोक। वुतुड के तिवी तुका पेराङ्बुतिवाला दाल्जा किटे कि गोकिवी। च्यिलासिसिन दोजो यहूदी मिन्दुप मिरिक यम्बाकी मीतिवा

कोन्छ्योककी थु चाङ्माकी मोलाम थोपुप यिन्सिन तिवाला थोपुप मोलाम नेसुर यरूशलेमला वोतुप तेपा कितुप मीतिवी कतुकारला दाल्जा किटे कि गोकिवी। २८ तुक क्यानी मकेडोनिया ताड अखैयाकी तेपा कितुप मीतिवी कल तङ्गुप टङ्गा ति यरूशलेमला चेक तेसिमा ड ति स्पेनला डिवी। ती पेला ड ख्यिरा ते साड वुङ्गुप्नो। २९ ड ख्यिरा ते वुङ्गुप पेला ख्रीष्ट नेसुर वुङ्गुप मोलाम बडी खुर्नी वुङ्गुप्नो।

३० अच्युनुपतिवा, दाक्पी चोवो येशू ख्रीष्ट ताड कोन्छ्योककी थु चाङ्माकी डियङ्ज्ये नेसुर डे थोक्ला कोन्छ्योकला छासे क्यानी मोपोर की सिनी ड ख्यिराडला ठाकुरे सिनी गोड्बा शोयी। ३१ ड यहूदियाला वोतुप तेपा मिक्वि मीतिवी लक नेसुर थर थुप्शी, तमा यरूशलेमला वोतुप कोन्छ्योकला तेपा कितुप मीतिवी थोक्ला डे शब्ज्यी क्यावु ति मीतिवी सेमला डोशी। ३२ तमा कोन्छ्योककी नोवा वोसिन ड ख्यिरा ते वासिमा ख्यिरा मुला सेम गा क्यानी च्यिककी च्यिकला टोङ्गु तेर थुप्शी सिनी मोपोर क्या नाड। ३३ सेमला लोदिमु नङ्गुप कोन्छ्योक ति ख्यिराड तेरीकी मुला नरी ज्युशी। आमिन।

पावलकी दाल्जातिवाला टसी देलेक

१६ ड किंक्रियाला वोतुप चर्चला कोन्छ्योककी थोक्ला शब्ज्यी बुलुप दाक्पी नुम फिबी

ताड मुला ख्यिराडला डोशी डेशी कितिन। २ खोकी मी बडीला दाल्जा किटे क्या वे। तमा डला साड दाल्जा किटे क्यासुड। ती तप्की खो वुङ्गुप पेला ख्यिरा खोला कोन्छ्योककी पुम दोके नासाम ताङ्नी गासो शुसा। खोला काड रे च्यिक रे गोसिन दाल्जा किटे किसा।

३ ख्रीष्ट येशूकी कोर्ला डे मुला राड शब्ज्यी कितुप डे दाल्जा प्रिस्का ताड अकिलासला साड टसी देलेक वोतो। ४ च्यिलासिसिन तिवी डे थोक्ला खोप्राड मिजी साड बिन वे। ड तिराड मिन, यिने यहूदी मिन्दुप मिरिक यम्बाकी चर्चकी मीतिवा तेरीकी साड तिवाला थुचिछे सिरिन। ५ तिवी खाड्बाला जोम्बुप चर्चकी तेपा कितुपतिवा तेरीला डे टसी देलेक वोतो सिनी सिसा। डे डियङ्ज्येवु दाल्जा इपेनितसला साड टसी देलेक वोतो सिनी सिसा। ती ति एशिया लुड्बाला तेरी सिनाड गोमाला येशू ख्रीष्टला तेपा कितुप मी यिन। ६ मरियमला साड टसी देलेक वोतो सिनी सिसा। तीकी साड ख्यिरा थोक्ला टेमु क्यासुडो। ७ डे मुला चोन्खाडला शोरुप डे नाड्बा एन्ड्रोनिकस ताड युनियसला साड टसी देलेक वोतो सिनी सिसा। च्यिलासिसिन तिवा लोमा छ्येतिवी पर्ला मिड थोपुप ताड ड सिनाड गोमाला येशूला तेपा कितुप मीतिवा यिनो। ८ चोवो येशूकी थोक्ला

शब्ज्यी कितुप डे ड्रियङ्ज्येवु दाल्जा एम्प्लीआतसला साड टसी देलेक वोतो सिनी सिसा। ६तमा ख्रीष्ट येशूकी कोर्ला डे मुला राड शब्ज्यी कितुप उर्बानस ताड डे ड्रियङ्ज्येवु दाल्जा स्ताखुसला साड टसी देलेक वोतो सिनी सिसा। १०तमा येशू ख्रीष्टला तेपा रम्बु वोतुप पड्बु तेरुप मी अपेल्लेस ताड अरिस्तोबुलसकी खाड्बी मिछाडतिवाला साड टसी देलेक वोतो सिनी सिसा। ११तमा डे छेङ्गा हेरोदियनला साड टसी देलेक वोतो सिनी सिसा। तमा येशूला तेपा कितुप नर्किससकी खाड्बी मीतिवाला साड टसी देलेक वोतो सिनी सिसा। १२चोवो येशूकी थोक्ला छासे टेमु कितुप नुम तुर्फेना ताड त्रोफोसाला साड टसी देलेक वोतो सिनी सिसा। तमा नुम परसीसला साड टसी देलेक वोतो सिनी सिसा। तीकी साड चोवो येशूकी थोक्ला छासे टेमु क्यासुडो। १३चोवो येशूकी खोरे थोक्ला शब्ज्यी कितुपला पेतुप रूफस ताड तीकी आमाला साड टसी देलेक वोतो सिनी सिसा। च्यिलासिसिन खोकी आमा साड डे आमा दोके राड यिनो। १४तमा असिक्रितस ताड फलेगन ताड हर्मस ताड पत्रोबास ताड हर्मास ताड तिवी मुला वोतुप यम्बा तेपा कितुप अच्युनुपतिवाला साड टसी देलेक वोतो सिनी सिसा। १५फिलोलोगस ताड युलिया ताड नेरियस ताड तीकी

नुम ताड ओलिम्पास ताड तिवी मुला वोतुप तेरी तेपा कितुप मीतिवाला साड टसी देलेक वोतो सिनी सिसा। १६ख्यिराड च्यिककी च्यिकला येशू ख्रीष्टकी ड्रियङ्ज्ये ताड मुला टसी देलेक सिनी सिसा। ख्रीष्ट येशूला तेपा कितुप चर्चकी मीतिवा तेरीकी ख्यिराडला टसी देलेक सिनी ताड वोते।

पावलकी तिङ्गी टोङ्गु

१७अच्युनुपतिवा, ड ख्यिराडला ठाकुरे सिनी गोड्बा शोयी। ख्यिराडला लापुप कोन्छ्योककी सुडगी तेन्दोकला लानी ख्यिरा पर्ला क्येन तेरुप ताड क्येङ्सु जोप मीतिवाला ल्हो। तमा तिवा नेसुर क्येङ्सु दे। १८च्यिलासिसिन तुका मीतिवी दाकपी चोवो येशू ख्रीष्टकी थोक्ला शब्ज्यी कितुप मिन, यिने खोरो सुप सोपला तिराड कोन्छ्योकला शब्ज्यी किवी। तिवा ताम्डे ल्यामु ल्यामु क्यानी क्योकपु लोकपु मिकिवु मीतिवाला साड जिनोक जेवी। १९ख्यिराड खला ड्येमु वोतुप ति तेरी मीतिवाला छ्या वे। तुक क्यानी ख्यिरा थोक्ला ड छासे सेम गा लानी वे। यिने ख्यिराड चुका ति टेङ्बु नोके, तीला राड च्यङ्बु वुड गोकिवी। चुका ति दुकटा नोके, ती नेसुर कुतुक दे गोकिवी। २०तमा लोदिमु नङ्गुप कोन्छ्योककी डमु राड शैतानला ख्यिरा काड्बी वोक्ला

लेप ज्यिकिवी। दाक्पी चोवो येशू
ख्रीष्टकी कटिन ति ख्यिरा मुला नरी
लुशिता।

२१ डे मुला राड कोन्छ्योकला
शब्जयी बुलुप तिमोथी ताड डे
छेङ्गा लुकियस ताड यासोन ताड
सोसिपात्रोसकी साड ख्यिराडला टसी
देलेक सिनी ताड वोतो। २२ दी यिकी
टिकुप ड तर्तियसकी छ्योक नेसुर
साड ख्रीष्टकी मिडला ख्यिराडला
टसी देलेक वोतो। २३ गायसकी साड
ख्यिराडला टसी देलेक सिनी ताड
वोतो। खो ति ड ताड दे राड वोतुप
चर्चकी मीतिवा तेरीला ल्हटे कितुप मी
यिन। ती ग्येसाकी टङ्गा चेक लङ्गुप
मी इरास्तस ताड नुप क्वार्टसकी
साड ख्यिराडला टसी देलेक ताङ्नी
वोतो। २४ (दाक्पी चोवो येशू ख्रीष्टकी
कटिन ति ख्यिरा मुला नरी वुङ्शी।
आमिन।)†

तिङ्मी मोपोर

२५ त याड दाक्पु तेरीकी
कोन्छ्योकला मोवा कितुप। खोकी
राड ख्यिराडला डे ख्याप्टाक क्यावु
येशू ख्रीष्टकी लेन ल्यामु नेसुर नरी
तेपा रम्बु क्या दे ज्यिकिवी। ती
लेन ल्यामु ति कल्वा कल्वा नेज्युनी
छ्याकला ज्याड वोतुप यिन। २६ यिने
त याड ती छ्याकला वोतुप लेन ल्यामु
ति कोन्छ्योककी लुङ्तेम्बातिवी टिवु
खोकी सुडला ल्यामो क्यानी ठछ्येली
हाक्को थुपुप गल वे। तमा नरीकी
नरी लुवु कोन्छ्योककी क नेसुर यहूदी
मिन्दुप मिरिक यम्बाकी मीतिवा तेरीकी
तेपा क्यानी खोकी सुडला ड्येन्सुड।
२७ तुक क्यानी च्यिक राड ज्यु वोतुप
ताड रिक्पाकी क्येङ्गुप दाक्पी
कोन्छ्योकला येशू ख्रीष्ट नेसुर नरीकी
नरी मोवा वुङ्शी। आमिन।

१६:२४ ललाइ थपला ति दी २४ पदकी ति मे।

